

Maneho nobo pa transporte publico: Minister di Transporte ta elimina posibilidad pa traspaso di permiso di taxi



Pagina 3

- **Paws Uni Aruba ta yega Madiki e weekend aki cu nan campaña di sterilisacion**

Pagina 2

- **BCA a dicidi pa baha e tasa di reserva obligatorio na 19.5 porciento**

Pagina 4

- **Triatletanan Olimpico a landa den Riu Seine**

Pagina 14

Mal maneho di companianan estatal: Ken ta responsable?



Pagina 2

OEA no ta aproba resolucion riba situacion na Venezuela



Pagina 10

Lider di Hezbollah ta bisa guerra cu Israel a drenta 'fase nobo'



Pagina 23



LUXURY WAGON *Giveaway*

APRIL 12 - NOVEMBER 22, 2024

THE CASINO AT
THE RITZ-CARLTON
ARUBA

THE CASINO AT
ST REGIS
ARUBA

Paws Uni Aruba ta yega Madiki e weekend aki pa cuminsa cu nan campaña di sterilisacion

Den fin di siman Luna Foundation Aruba, hunto cu 11 fundacion mas di Aruba, ta bay inicia cu e campaña Paws Uni Aruba, un campaña cu ta enfoca den sterilisa mascota den diferente bario di Aruba. E prome bario ta bira Madiki.

“Bo ta sinti e emocion? E weekend aki un movecion ta cuminsa cu ta pa mehora bida riba nos isla. Un cambio di enfoke. Treciendo e barionan hunto pa ta miho pa nan animalnan. Poniendo e responsabilidad den nan man,” Zoey Conijn, presidente di Luna Foundation Aruba y e motor tras di campaña Paws Uni Aruba a expresa ariba rednan social.

Aunke e campaña ta enfoca den castra of sterilisa e

mascotanan, doñonan cu tin un bestia cu ta castra of sterilisa caba, pero cu talbes mester di un cadena nobo, mester un corta di huña of mester haci horea limpi, por trece nan mascota tambe.

Paws Uni Aruba ta bay tin tent na unda tin diferente material disponibel pa doñonan di mascota por busca. Ademas di esaki nan ta ofrece transporte pa busca mascotanan, specialmente di adultonan mayor cu no por hiba nan mascota.

“Hunto nos lo haci’e miho pa nos animalnan. Nos ta stima nan, Nos ta proteha nan!! Fundacionnan ta uni pa haci nos isla Un Isla Feliz pa nos animalnan tambe,” Conijn a remarca.

E meta di e campaña ta cu e fundacionnan ta drenta den e bario, den e casnan pa opera e mascotanan y nan ta drenta pa papia cu e doñonan, educa nan y pa traha casnan di cacho unda mester, zorg pa e cacho ta bon mara y zorg pa e pushinan no ta den sushedad.

Den luna di juni e fundacionnan ya caba tabata den Madiki pa asina combersa cu e doñonan di mascota y informa nan di e campaña.

Conijn a conta Bon Dia Aruba anteriormente cu nan tabata kier drenta den e bario pa wak tambe si tin cachonan cu tin carpata y e ora ta duna nan un Nextguard y antibiotica di biaha pa ora ta tempo pa opera e mascota nan sa cu nan ta saludable cu nan por wordo opera.

E idea aki ta un sueño di Conijn for di hopi tempo



Paws Uni Aruba



caba. El a conta cu for di su punto di bista e barionan cu tin e hendenan menos afortunado, cu no tin e recurso pa hiba nan mascota veterinario, ta esnan cu mas mester ayudo.



Mal maneho di companianan estatal: Ken ta responsable?

Luna pasa, Bon Dia Aruba a publica tocante e rapport di Algemene Rekenkamer Aruba (ARA), “Op afstand, maar toch dichtbij”, enfoca riba instancianan cu ta poni na un distancia di pais Aruba. E rapport aki a investiga e periodo financiero di 2018 pa 2020 y bay mas profundo den seis instancia. Den e rapport, ARA a remarca cu e hecho cu ta pone instancianan na un distancia no por nifica cu nan ta for di bista of ta liber di duna cuenta y tampoco por ta asina cu esakinan ta trece gastonan adicional hopi halto pa Pais Aruba pa motibo cu ta crea aregion sin duracion of costo defini pa por eherce tareanan publico.

Esaki ta keda ilustra den e caso di dos compania: Arubus, Serlimar y Post Aruba.

Luna pasa tambe a anuncia cu director di Arubus, Edwin Mohamed, ta retira for di su posicion inmediatamente. Contestando pregunta di Bon Dia Aruba e tempo aya, minister di Transporte, Ursell Arends Arends a splica



cu e situacion financiero di Arubus ta critico cual a ser confirma pa varios instancia profesional y imparcial. Instancianan aki ta Algemene Rekenkamer, CAft y Price Waterhouse Cooper. El a señala cu e punto di salida di Gobierno ta cu Arubus no por sigui depende solamente riba fondonan publico y cu e instancia mester expande su servicionan comercial tambe, na mes manera cu tur otro NV.

E rapport di ARA ta confirma cu Arubus ta den un situacion financiero fragil y ta dependiente di contribucion adicional di pais Aruba ya pa hopi aña. Asina ta surgi e pregunta: pakico no tabatin un intervencion mas trempan?

E mesun rapport di ARA ta señala e problemanan cu Post Aruba. Pais Aruba ta

100% shareholder di Post Aruba desde su privatisacion, cu minister di Economia, Comunicacion y Desaroyo Sostenible, Geoffrey Wever representando Pais Aruba den reunion general di shareholders. ARA ta destaca con e continuidad di Post Aruba ta dependiente di e transferencianan di capital di Pais Aruba, cu pa final di 2020 tabata suma Afl. 34.1 miyon. Pero pa motibo di e manera con e compania ta set up, Post Aruba ta sufri perdanan grandi ya durante hopi aña. Ta notabel tambe cu un responsabilidad pa e entrega di e rapport anual y cuenta anual, ta ser poni riba e minister encarga cu e asunto postal. Entrega di cuenta anual di Post Aruba no a mantene su obligacion di contabilidad pa e aña 2018 te cu 2020. Atrobe ta bin e pregunta, pakico a laga e compania aki keda añas den perdida

y un situacion financiero dificil, sin interveni?

Y e situacion di Serlimar tambe ta conoci, cu pa hopi tempo tabata den bancarota y cu problemanan enorme. E rapport di ARA tambe ta dedica atencion na e compania aki. E minister di Naturalles ta e minister di politica pa Serlimar, pero segun ARA, e Landsverordening di Serlimar no ta duna claridad suficiente tocante e rol y tarea di e director, e minister y e RvT. Esaki por resulta den e practica di desorientacion di rol of falta di claridad tocante diferencia di vision. Serlimar ta un institucion cu ta funciona na distancia, cu den principio tin cu genera su propio ingreso y mester ta responsable pa su propio operacion. Esaki no ta logra, den parti pa motibo di decision politico y gasto di personal demasiado halto relaciona cu ingreso. Den conclusion, e realidad y e modelo scogi no ta consisti cu otro. Bao di e minister actual, Serlimar a sali di su suspension di pago na 28 di Augustus 2023 despues di tres aña, y a preveni cu Serlimar bay den bancarota. Sinembargo, den e caso aki tambe ta

papia di añas di mal maneho cu a laga e compania den un situacion precario.

E casonan aki ta ilustra e manera con gobierno di Aruba, di forma structural, ta negligia e companianan estatal. Maske e companianan tin obligacion di duna cuenta na e ministernan, ta parce como cu e ministernan no ta pone atencion of tuma accion te ora cu ta demasiado laat y e situacion di e companianan ta deplorable. Pakico esaki ta asina? Pakico no ta interveni mas trempan?

Bon Dia Aruba a manda pregunta pa prome minister, Evelyn Wever-Croes, den su rol como lider di gobierno. Bon Dia Aruba a puntra con e control di e NVnan di gobierno ta? E ministernan no ta tene un bista riba e compania prome cu ta mucho laat y ya el a bay bancarota? Ken ta controla e directornan di e companianan aki? Ki mecanismo tin pa sigura cu nan ta bon maneha?

Lamentablemente, te ciere di redaccion no a ricibi un contesta.

Maneho nobo pa transporte publico:

Minister di Transporte ta elimina posibilidad pa traspaso di permiso di taxi

Minister di Transporte, Integridad, Naturalesa y Asuntonan di Adulto Mayor, Ursell Arends, a informa ayer e maneho nobo di transporte publico cu lo drenta na vigor dia 1 di september di e aña aki. E cambionan aki ta inclui eliminacion di monopolio di traspaso di permiso di taxi y e cantidad maximo di asiento den un vehiculo di taxi.

Mediante un comunicado minister Arends a splica cu actualmente tin un maximo di 465 permiso pa otorga, di cual practicamente tur ta otorga caba y algun ta pendiente pa nan prolongacion.

Taxistanan por a haci peticion na minister di transporte pa traspasa un permiso di taxi na un miembro di famia, pero den pasado esaki no tabata e caso ya cu traspasonan tabata ser realisa pa personanan cu no ta miembro di famia.

Esaki a crea un tipo di “monopolio” di permisionan di taxi na unda cu hopi di e permisionan cu ya ta limita, no ta yega bek cerca Gobierno pa otorga na otro ciudadano cu a haci peticion pa un permiso. E permisionan ta keda den famianan of ta bay na un persona di escogencia di un taxista, y den cierto caso e permisionan tabata ser bendi ilegalmente.

Na september 2022 minister Arends a revoca e maneho di ex-minister Romero, y a introduci un maneho mas estricto pa traspaso di permiso di taxi pa miembronan di famia. Aworaki e mandatario ta introduci un maneho nobo y asina ta elimina completamente e posibilidad pa traspaso di permisionan di taxi.

E documento di e maneho nobo ta indica cu segun articulo 15 di e “Landsverordening personenvervoer,” e minister por traspasa un permiso na nomber di un miembro di e famia di e persona cu tin e permiso di taxi riba peticion di titular di permiso y bao di cierto circunstancia.

Articulo 15 ta indica tambe cu a base di un decision ministerial, un cantidad maximo di permiso ta determina segun e base di necesidad, causando cu e permisionan por ser considera como limita.

E investigacion “Public Trans-



portation Demand and Supply — Delivering Service? A White Paper on Public Transportation in Aruba” realisa pa e Faculty of Hospitality and Tourism Management Studies na Universidad di Aruba den colaboracion cu e College of Hospitality, Retail & Sports Management na Universidad di South Carolina (november 2022), a revela cu algun titular di permiso di taxi a indica cu nan ta kere cu nan tin e derecho di bende nan permiso.

Den e mesun investigacion a sali na cla cu e traspaso di permiso na “hulpchauffeurs” (chauffeurnan ayudante) ta ser mira como un “loophole” (simulacion) pa bende permiso.

Na 2019, e hues provisional di Corte di Prome Instancia na Aruba a considera den un caso cu e traspasonan di permiso ta bay contra e articulo 15 di e “Landsverordening personenvervoer.” Esaki a resulta cu den practica defacto un “sistema cera” a surgi, caminda e titularnan di permiso ta determina ken ta eligible pa un permiso via traspaso di esaki.

Esaki, segun consideracion di corte, no ta haci husticia na e principio cu cada ciudadano mester tin oportunidad igual pa ser eligi pa un permiso di taxi a base di e “Landsverordening personenvervoer”.

Articulo 15 di e “Landsverordening personenvervoer” no ta duna ningun derecho na e titular di permiso, si no cu e ta un poder discrecional di e minister.

Pa promove oportunidad igual pa ciudadanonan por ser eligi pa un permiso y pa preveni e

posibilidad y benta di permiso via traspaso, e posibilidad di esaki mester ser elimina.

Considerando e articulonan 3 y 15 di e “Landsverordening personenvervoer” minister Arends a dicidi cu, den anticipacion y sperando un ahuste di e “Landsverordening personenvervoer,” peticionnan pa traspasonan basa riba articulo 15 no lo ser permiti mas entrante 1 di september.

E regulacion di e minister pa peticion pa traspasonan menciona den articulo 15 di e “Landsverordening personenvervoer,” di 26 september 2022, lo ser retira entrante dia 1 di september 2024.

Peticionnan pa traspasonan di permiso haci prome cu 1 di september 2024 lo ser trata conforme e regulacion di 26 di september 2022 cu ta vigente te 31 di augustus 2024.

Apart di e cambio di maneho pa elimina traspaso di permisionan di taxi, minister Arends a emiti tambe un decision ministerial tocante e cantidad maximo di asiento den vehiculonan di taxi.

Conforme articulo 1, introduccion y parti D y E di e “Landsverordening personenvervoer,” un taxi por ta ekipa pa transporta no mas cu cinco persona, sin inclui e chauffeur. Esaki ta nifica cu e vehiculo di motor di un titular di permiso di taxi por tin maximo seis asiento.

Tin e necesidad pa taxistanan transporta mas cu cinco persona, vooral si ta trata gruponan grandi di turista kier tuma mesun taxi hunto.

Teniendo na cuenta esaki, minister Arends tin intencion pa

ahusta e “Landsverordening personenvervoer” pa aumenta e cantidad di asientonan permiti y cantidad di personanan transporta di cinco pa shete, sin inclui e chauffeur.

A pesar di e ley, actualmente tin titularnan di permiso di taxi cu tin vehiculonan cu mas di shete asiento, sin conta esun di e chauffeur. Gobierno no a haci un mantenimiento structural y efectivo di e cantidad di asientonan den taxi y e intencion cu e cambio nobo aki ta pa implementa un mantenimiento structural y efectivo di e cantidad maximo di asiento permiti den taxi. Alabes gobierno ta desea establece principionan pa e consecuencia si actua contra e decision aki.

Considerando e articulonan 1, introduccion y parti D y E, y 26 di e “Landsverordening personenvervoer” minister di

Transporte a dicidi ta permiti pa vehiculonan di titularnan di permiso di taxi y “hulpchauffeurs” por ta ekipa pa no mas cu shete asiento, sin conta e asiento di chauffeur, y cu un chauffeur por transporta no mas cu shete persona den e vehiculo.

Titularnan di permiso di taxi y “hulpchauffeurs” cu un vehiculo cu tin mas cu shete asiento, sin conta esun di e chauffeur, lo tin te 30 september 2024 pa adapta nan vehiculo pa no mas cu shete asiento, sin inclui esun di e chauffeur.

Departamento Transporte Publico ta bay ta encarga cu e control di cumplimiento di e cambionan aki. Den caso cu no cumpli loke ta prescribi den e decision ministerial aki prome cu 1 di october, cual ta e fecha di entrada di e maneho nobo aki, ta cu e permiso lo ser revoca temporalmente pa 30 dia.

Si un titular di permiso di taxi ser sorprende un di dos biaha cu un vehiculo di taxi ekipa cu mas di shete asiento, sin conta esun di e chauffeur, e permiso lo ser revoca temporalmente pa un periodo di nobenta dia. Y si e titular di e permiso di taxi ser sorprende un di tres biaha pa e mesun cos, e permiso lo ser revoca permanente.

Si durante un control encontra cu un vehiculo di taxi ekipa cu mas di shete asiento, sin conta esun di e chauffeur, y tin pasaheronan den e vehiculo, e chauffeur ta haya e oportunidad pa hiba e pasaheronan na nan destinacion.



Entrante 1 di juli 2024, BCA a dicidi pa baha e tasa di reserva obligatorio na 19.5 porciento

Conforme e tarea di e Comité di Maneho Monetario (CMM) pa evalua, determina y duna transparencia riba e accionnan di maneho monetario di Banco Central di Aruba (BCA), BCA ta comunica lo siguiente: Durante e reunion di 13 di juni 2024, CMM a dicidi pa reduci e tasa di e reserva obligatorio di 20,5 porciento na 19.5 porciento entrante 1 di juli 2024.

Di e manera aki, e banconan comercial mester tene un balansa minimo na BCA cu ta igual na 19,5 porciento di e depositonan riba termino cortico di nan clientenan. E decision pa baha e tasa di reserva obligatorio tabata basa primordialmente riba e reservanan adecua segun e puntonan di referencia cu BCA ta monitor. Ademas, inflacion tabata modera, y e tasa di crecimiento di credito (excluyendo incidentalnan) tabata relativamente abou.

E CMM a considera e siguiente informacion y analisis den su deliberacion.

Reservanan oficial y internacional a crece te



cu 17 di mei, 2024

E reservanan oficial (incluyendo cambio den reevaluacion di oro y divisa) a expande cu Afl. 268.6 miyon si compara 17 di mei 2024 cu 29 di december 2023. E reservanan di divisa na e banconan comercial a subi cu Afl. 7.6 miyon durante e mesun periodo. Consecuentemente,

e reservanan internacional (incluyendo cambio den reevaluacion di oro y divisa), cu ta consisti di e reservanan oficial di BCA y e reservanan di divisa na e banconan comercial, a aumenta cu Afl. 276.2 miyon. Tumando e crecimentonan ya menciona na cuenta, e reservanan oficial y internacional a suma Afl.

2,914.3 miyon y Afl. 3,338.3 miyon, respectivamente riba 17 di mei 2024 (Grafico 1).

Sostene un nivel adecua di reservanan ta esencial pa mantene e tasa di cambio fijo entre e florin Arubano y e dollar Mericano. Den e cuadro aki, reservanan oficial a registra 16.0 porciento riba e nivel minimo adecua segun e metrico ARA di FMI (Tabel 1). Ademas riba 17 di mei 2024, e reservanan internacional a cubri 6.9 luna di pago riba e cuenta corriente. Teniendo cuenta cu esaki, reservanan internacional a keda ampliamente riba e requisito minimo di tres luna. E pagonan riba e cuenta corriente di e balansa di pago ta consisti, entre otro, di pagonan pa importacion, pagonan di interes na inversionistanan stranhero y transferencianan pa exterior manera placa manda afo door di trahadonan stranhero.

y diferente producto y servicio (contribuyendo cu +0.3 punto di porcentahe). Di otro banda, prijsnan mas abou pa transporte (contribuyendo cu -0.5 punto di porcentahe), mobilario (contribuyendo cu -0.3 punto di porcentahe) y paña y sapato (contribuyendo cu -0.1 punto di porcentahe) a parcialmente mitiga e inflacion den april 2024.

E inflacion midi riba promedio di 12 luna a yega 1.9 porciento na april 2024; un caida compara cu 2.1 porciento na maart 2024. E presion inflacionario na april 2024 tabata mas tanto debi na comunicacion (contribuyendo cu +0.9 punto di porcentahe), vivienda (contribuyendo cu +0.8 punto di porcentahe) y cuminda y bebida no alcohólico (contribuyendo cu +0.4 punto di porcentahe).

Mientrastanto, na april 2024, inflacion basico (cu ta exclui cuminda y energia) a alcanza 2.4 porciento si midi e final di respectivo luna contra e mesun luna di e aña anterior. Basa riba un promedio di e ultimo 12 luna, inflacion basico a yega na 1.9 porciento.

Likides excesivo di e banconan comercial a crece te cu mei 31 2024, aunke e distribucion ta desigual

Data preliminar ta muestra cu e likides excesivo (incluyendo credito cu no a wordo aloca ainda y otro compromisonan) di banconan comercial a subi yega Afl. 611.1 miyon te cu 31 di mei 2024, compara cu Afl. 519.4 miyon na fin di december 2023. E subida aki ta refleha principalmente e rendimiento di e sector di turismo. Sinembargo e distribucion di likides excesivo entre e banconan comercial ta keda desigual.

Credito total te cu april 2024 a subi como resultado di un prestamo grandi y incidental

E portafolio total di prestamo na residentenan di e banconan comercial a crece cu Afl. 101.2 miyon (+2.3 porciento) te na Afl. 4,411.0 miyon na april 2024, compara cu december 2023. E crecimiento aki a ser impulsa principalmente door di e subida di Afl. 98.7 miyon den fianstanan comercial, mas tanto causa pa un prestamo grandi. Si exclui esaki, e crecimiento di credito tabata modera.


Tabel 1: Metríconan aplica riba e reservanan durante e ultimo 12 luna

	2023												2024	
	mei	jun	jul	aug	sep	oct	nov	dec	jan	feb	mrt	apr	mei	
Cobertura di pagonan riba cuenta corriente (calculo) ¹	6,8	6,8	6,9	6,8	6,3	6,3	6,3	6,4	6,7	6,6	6,9	6,8	6,9	
Metrico di FMI ARA (calculo) ²	111,5	111,6	115,1	115,2	107,8	107,6	109,1	108,3	110,2	109,3	108,9	111,3	116,0	

¹ E cantidad di luna di pagonan riba cuenta corriente cu e reservanan internacional ta cubri.

² E proporcion entre e nivel di reservanan oficial y e nivel minimo adecua (conforme FMI), den porciento.

Grafico 1. Reservanan oficial y internacional (Incluyendo revaluacion) (Fuente: CBA)



Inflacion midi na april 2024 contra april 2023 a alcanza 2.2 porciento

Inflacion, midi na final di luna contra e mesun luna di e aña anterior, a yega 2.2 porciento na april 2024, subiendo for di 1.9 porciento na maart 2024. E contribuyentenan principal na e inflacion, midi na april 2024 contra e mesun luna di e aña anterior, tabata comunicacion (contribuyendo cu +1.5 punto di porcentahe), cuminda y bebida no alcohólico (contribuyendo cu +0.3 punto di porcentahe), vivienda (contribuyendo cu +0.3 punto di porcentahe),

Editor
Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion
noticia@bondia.com

Pilar Flores (hefe di redaccion)
Angenette Figueroa (closer editor)
Leo Maduro
Andreina Morillo
Raisa Montilla
Oriana Geerman

Ehecutivo di Benta
sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Innovacion New Deal pa Aruba: Salubridad






Un tema cu e urgencia di mas halto riba nivel personal pa un ser humano ta salud. Tambe como sociedad salubridad tin efec-tonan directo y spill-overs indirecto masivo.

Segun un calculacion di Brookings Institute un pais moderno por spera un Return-on-Investment di entre \$2 pa \$4 pa cada \$1 cu wordo inverti den sector di salubridad. Esaki debi na menos morto prematuro y malesa cronico pero tambe miho productividad y mas hende den mercado laboral. Segun Brookings Institute esaki por te hasta reforsa crecimiento

economico cu 0.4% aña den manera structural acumulativo.

Mundialmente tin un crisis masivo den salubridad. E enbehecemento di e poblacion, e escasez na personal humano den casi tur branche di e sector aki y un explosion di gasto ta poniendo un presion enorme riba sistemanan social di salud. E soño di salubridad pagabel universal ta den un peliger hopi real den te hasta e paisnan di mas rico globalmente.

Aruba no ta un excepcion di e tendencia mundial aki. Pio nos como pais riba un nivel



strategico riba e area aki ta para sumamente malo mes. Danki na un combinacion di ambos factornan demografico pero tambe mal maneho gubernamental structural. Tocante maneho malo di Salubridad ningun menos cu Fondo Monetario Internacional (IMF) den nan rapport di 2023 "Kingdom of the Netherlands Aruba" a nota riba pagina 34 cu a conseha pa inverti den sector di Salubridad pero cu ningun pero ningun progreso a wordo nota den e ramo aki di maneho. E siguiente grafico ta di e rapport di IMF na pagina 34.

Nos isla a cuminsa ya caba yega nivelnan cu ami por

solamente yama "hopi scur." Como sociedad ya caba nos ta dicidi di NO opera adultonan mayor cu ta "demasiado bieju", tambe tin un wachtlíjt masivo pa cas di anciano social. Tur esaki cu un fondo di AZV cu lo ta den deficitnan enorme den e decadanan cu lo bin. Esaki seguramente ta basta distopico.

Den mi opinion humilde, e unico speransa duradero cu tin ta den innovacion radical den tur branche di e sector di salubridad. P'esey nos lo dedica e simannan binidero aki di nos serie "innovacion New Deal pa Aruba" na e tema cardinal aki.

Prevencion: Risk Stratification
Prevencion #2: Internet of Things Sensors
Inteligencia Artificial den Eerste Lijn
Hospital2.0 cu Inteligencia Artificial den tur Departamento
Smart Pills
Robot Nurse & Support Automation
Cirugia Robotico
Un Vision di e Futuro

Structural reforms	
Invest in healthcare infrastructure and capacity building of medical personnel.	No progress.
Implement policies to reduce inequality and improve resilience to climate risks.	Ongoing. Climate mitigation and energy efficiency programs have been implemented and accelerated. New national targets established for 2030 and 2050. A national climate resilience council was established and tasked with developing a national climate adaptation plan.

Proyecto di Avenida Milio Croes y e prome fase di e proyecto di high rise hotel kedando cla



Prome Minister Evelyn Wever-Croes recientemente a duna un actualisacion riba dos proyecto importante di Ministerio di Infraestructura hunto cu DOW, esta e proyecto di e carretera di Avenida Milio Croes na Dakota y e proyecto di e carretera di High Rise Hotels.

Prome Minister ta menciona cu e ta contento di por mira cu e carretera di Avenida Milio Croes ya ta kedando cla. Esaki siendo un area di acceso importante di Aruba, cu hopi comercio y di hopi trafico, e caminda nobo sigur lo trece un alivio grandi na e usuarionan.

Referiendo na e proyecto di e carretera di High Rise Ho-

tels, Prome Minister ta splica cu e proyecto ta parti den 3 fase ya cu no por cera e area completamente pasobra mester tin acceso na e hotelnan. E prome fase ya ta finalizando y esaki den e periodo planifica. E mandatario ta sigui bisa cu e ceramento di e caminda durante e ehecucion di e proyecto por causa molester principalmente na e taxistanan. Pero na final di



e proyecto tur usuario lo bay goza di un bunita caminda cu acera nobo y cu landscaping y iluminacion moderno.

Manera ya ta conoci debi na e pandemia Gobierno mester a para tur inversion den careteranan pa duna prioridad na e pueblo di Aruba y inverti pa salba bida di hende, salba nan trabounan y salba companianan. Pero awo cu den e presupuestonan di añanan 2023 y 2024 tin surplusnan, a crea espacio financiero y aloca fondo pa traha y drecha careteranan di Aruba.

Den un comunicado di prensa, prome minister a bisa: “Aruba henter por ta satisfecho y orguyoso di e proyectonan aki. Despues di completa esakinan lo sigui cu demas carretera cu mester atencion urgente. Mi ta gradici DOW y tur nan trahadonan pa nan valioso trabou. E careteranan aki tawata den masha mal estado y tawata un crisis riba nan mes, y mescos cu otro crisis, nos a cera cabes, bin cu solucion, traha duro, y awor nos ta solucionando esaki tambe. Nos no por soluciona tur problema pareu, pero poco poco y sigur nos ta logrando si!”

Baki den Barrio ta sigui conscientisa comunidad riba e importancia di separacion di desperdicio

Diasabra ultimo, Baki den Barrio tabata na Savaneta unda a ricibi alrededor di 450 vehiculo cu tabata dispuesto pa separa nan desperdicio pa esaki ser procesa na un manera responsabel. E iniciativa aki ta parti di e campaña nacional Limpi Limpi, cu tin como meta promove habitonan di separacion

y stimula responsabilidad propio di desperdicio pa un economia circular na Aruba.

Den oranan di madruga partnernan a cuminsa prepara e Veld di Undesa pa por mancha e fluho di autonan cu lo mester a haci uso di e bakinan di separacion. Tambe mester a percura pa facilita e caminda pa

ora trucknan mester reemplasa e baki yen pa un baki bashi. Pa 7or di mainta Bureau City Inspector a habri e parke di separacion unda a guia e ciudadanonan pa por entrega nan desperdicio di metal, e-waste, azeta di cushina, taira, carton, construccion, greenwaste y bulkwaste. Tur e tiponan di desperdicio ricibi tin un destinacion cu lo por encontra riba



pagina di web www.limpi.aw. Tambe por bishita e pagina menciona pa e fechanan di Baki den Barrio.

Ministerio di Naturalesa ta continuamente trahando pa fortifica e campaña nacional Limpi Limpi pa combati e problema di entre otro dump ilegal y e comportamiento di tira sushi riba caya y band'i lama. Den colaboracion cu otro departamentonan di naturalesa a bin ta identifica diferente di e dumpnan ilegal y e esnan cu ta responsabel pa e actonan aki. E instancianan concerni a wordo informa pa tuma accion y atende debidamente cu e situacionnan aki.

Maneho di desperdicio ta un proceso dinamico cual ta encera diferente pasonan pa por yega na un sector di desperdicio robusto y circular. Na mei ultimo a cuminsa cu e Circular Assessment Protocol (CAP) hunto cu Impact Blue.

E CAP ta un modelo cientifico cu a wordo desaroya door di e Circularity Informatics Lab na University of Georgia. E evaluacion circular aki lo provee datonan crucial dirigi riba reduci desperdicio cu ta termina den nos medio ambiente y tambe promove e maneho di materialnan cu por wordo recupera. Ministerio di Naturalesa ta reconoce cu cada cambio positivo ta tuma su tempo. Ministerio ta trahando riba solucionnan a termino corto, mediano y largo plaso. E caminda pa un economia circular ta uno largo y dificil pero cu siguramente ta bale la pena pa cana. E meta ta pa crea un Aruba cu nos tur por ta orguyoso di dje. Cu un compromiso continuo na protege y preserva nos medio ambiente y naturalesa. Minister Arends ta encurasha tur miembro di nos comunidad pa uni na e esfuersonan pa logra un Aruba limpi limpi.



Nos ta buskando un
Maintenance Electrical Technician

- Senior Technical School (MTS-Level 4) Electrical or equivalent with >5-year work experience in household, commercial and industrial works
- Successful completion of accredited trade school or 5 years practical experience as an industrial electrician
- Possession of journeyman certification as an electrician is a plus.
- English required.
- Papiamentu required.

For more information or to apply please send an email :

daniela.duran@cargill.com

You can apply till the 2nd of August 2024

Campaña popular “ice bucket challenge” di dies aña pasa ta organisando un otro fundraising pa ALS

(AP)—Decenas di hende, incluyendo e gobernador di Massachusetts y varios estrella di deporte a basha awa friu riba nan mes na Fenway Park ayera pa marca e di 10 aniversario di e ALS ice bucket challenge.

E evento ta parti di un esfuerzo pa renoba interes den e campaña viral riba red social cu a recauda placa pa busca un cura pa Lou Gehrig’s disease. Organisadornan a bisa cu e campaña a recauda 250 miyon dollar te awo y a resulta den un 1 biyon dollar mas den fondo pa investigacion.

“E bida di nos yiu homber tabata un di gracia, determinacion y proposito, cu via su resiliencia, diligencia y curashi, el a crea un movimiento cu ainda ta ser celebra pa tur esnan cu ta ser afecta pa e malesa horrible aki,” segun Nancy Frates, mama di Pete Frates, ken a yuda popularisa e trend hunto cu Pat Quinn. Ambos a ser diagnostica cu ALS y a muri desde e prome ola viral dies aña pasa.

“Aunke su curpa humano no ta cu nos mas, su spirito poderoso ainda ta ser celebra hunto cu e movimiento historico,” el a bisa. “Boso a trece resultado. Pero manera Pete mes lo bisa, ‘Nos por diberti awe pero ainda falta. Ban sigui traha mañan.’”

Dr. Merit Cudkowics, director di e Sean M. Healey & AMG Center for ALS na Mass General Hospital y ken tabata dokter di Pete Frates, a recorda su prome reunion cune y con el a priminti pa recauda 1 biyon dollar pa investigacion riba ALS. Entre e beneficianan tin mas medicamento pa trata e malesa.

“Ta dificil pa kere cu basha un baki di awa riba bo cabes lo bay cambia con nos ta pensa tocante ALS, pero e acto simple ey a haci mas pa aumenta conscientisacion pa ALS compara cu cualkier otro esfuerzo, y el a catalisa avancen an increible den investigacion,” el a conta un audiencia di centenares di hende, incluyendo pashentnan di ALS y nan famia. “Esaki a trece cune



hopi cientificonan nobo den e tereno di tur skina di mundo y esey ta haci e diferencia awe pa hende bibando cu ALS.”

Despues cu e discursonan a caba, aproximadamente 75 hende, incluyendo varios famia cu muchanan chikito, a para den rij riba un veld di baseball dilanti hemchinan chikito cu awa. Na mesun momento, nan a basha awa friu riba nan cabes, un alivio pa hopi riba un dia cu temperaturanan halto.

Sinta den e bankinan, Mike Cunningham, 54, di Canton, Massachusetts, tabata mirando e evento for di su rolstoel. Diagnostica cu ALS aña pasa, el a admiti cu tin biaha ta dificil pa sali for di cas. Pero el a bisa cu e no ta di perde e evento ayera, cual a dun’e un sentido di orguyo, speranza, curashi, y “gradicimento pa e bondad cu hende ta musta.”

“Hende ta bon. Hende ta amable y nan por tuma e esfuerzo ora otro mester ayudo,” el a bisa. “Ta facil pa lubida esey mirando tur e noticia cu bo ta tende tur dia. Bo ta mir’e. bo ta sinti’e, e bondad. Amigo-, bisina- y stranheronan ta sali y purba yuda combati e malesa terrible aki.”

Na 2014, Quinn a mira e ice bucket challenge riba red social, riba un publica di golfista profesional Chris Kennedy, ken a bet e primo di su casa Jeanette Senerchia pa tuma un hemchi di awa, bash’e riba su cabes, publica un video riba red social y

puntra otro pa haci mescos of pa haci un donacion pa

caridad. E casa di Senerchia tabatin ALS.

Quinn y Frates a yuda popularisa e trend. Ora nan a cuminsa cune, e fenomeno a explota. Miles di hende participante den e trend viral, incluyendo celebradnan, estrella di deporte, y politiconan.

Lou Gehrig’s disease, nombra pa e gigante di New York Yankees cu a sufri di dje—tambe ta conoci como ALS of enfermedad di neuronnan motor. E ta un malesa neurodegenerativo progresivo cu ta resulta den paralisis pasobra cu e neuron motor den e cuerda spinal y cerebro ta muri. Te awo no tin un cura p’e.

STRIKE

INSTACASH
STRIKE
WIN UP TO AFL 2,500

HOW TO WIN
Match YOUR NUMBERS to the numbers in the bowling pins. Match four or more numbers, win the prize shown in the PRIZE LEGEND. Only the highest number of matches will.

YOUR NUMBERS
2 4 13 29 6 30
10 1 3 11 12 15

PRIZE LEGEND
MATCH 4 NUMBERS AFL 2
MATCH 5 NUMBERS AFL 5
MATCH 6 NUMBERS AFL 10
MATCH 7 NUMBERS AFL 20
MATCH 8 NUMBERS AFL 50
MATCH 9 NUMBERS AFL 100
STRIKE (MATCH ALL 10 NUMBERS) AFL 2,500

GANA

TE CU AFL 2,500

CON PA GANA?

Match bo numbertan cu e numbertan den e bowling pins.
Match cuater (4) of mas mas number y gana e premio indica abou.
Solamente e suma mas halto cu a match ta wordo gana.

YOUR NUMBERS
2 4 13 29 6 30
10 1 3 11 12 15

PRIZE LEGEND
MATCH 4 NUMBERS AFL 2
MATCH 5 NUMBERS AFL 5
MATCH 6 NUMBERS AFL 10
MATCH 7 NUMBERS AFL 20
MATCH 8 NUMBERS AFL 50
MATCH 9 NUMBERS AFL 100
STRIKE (MATCH ALL 10 NUMBERS) AFL 2,500

www.lottoaruba.com



Awo cu 2 florin mas, bo por gana e **MEGA PLUS**

* Afl. **650.000,-**

* Afl. 450.000,- + Afl. 200.000,-
extra

Benta ta sera 7:30 pm y sorteo ta hunga 7:45 pm



HUNGA AWO

LOTO

Gobierno ta lansa estudio tocante disminucion den aceptacion di LGBTQA+ den hubentud Hulandes

(NLTimes) - Secretario di Estado Mariëlle Paul di emancipacion kier “mas bista tocante posibel motibo y solucion” pa e tasa den disminucion di aceptancia di LGBTQA+ den hobennan.

Investigacion recien ta demostra cu tin un disminucion den aceptacion y tolerancia entre hobennan pa minorianan sexual manera lesbiana, homosexual, bisexual, transgenero y intersexo.



Den consulta cu e grupo di in-

teres COC, Paul kier combati e desaroyo aki, cual a surgi den Youth Health Monitor di GGD y RIVM. VVD su parlamentario Kente Becker, ken tambe ta di mesun partido cu Paul, lo pidi Tweede Kamer, parti di parlamento Hulandes, preguntanan tocante e topico aki.

E monitor a demostra cu menos di e studiantenan den mavo ta pensa cu ta normal pa dos persona di mesun sexo ta namora. Mas di un kwart di e

studiantenan ta sinti cu esaki ta “incorrecto” den 2023, mientras cu esaki tabata solamente 14 porciento den 2021.

Paul a yama esaki un “desaroyo preocupante”. “Mi kier haci tur cos pa combati e tasa aki di aceptacion entre hobennan.” Con e investigacion di esaki lo muestra y ki tempo e resultado lo keda publica ta desconoci. Un vocero di e Ministerio a bisa cu e detayenan aki te ainda mester keda stipula.

Human Rights Curaçao ta haci yamado pa accion contra contrabanda di mucha

(CuraçaoChronicle) - Durante e conmemoracion di Dia Mundial Contra Contrabanda di Hende, Human Rights Defense Curaçao (HDRC) a resalta e causanan y vulnerabilidadnan cu ta causa contrabanda di mucha. Globalmente, un den cada 3 victima di contrabanda di hende ta un mucha, cu e mayoria di e casonan aki tratando di victima femenino.

E organisacion di derechonan humano ta enfatisa e necesidad urgente pa sosten dedica pa e muchanan victima di trafico y ta urgi publico ademas di legisladornan atende e faltanan

actual y apresura accion pa caba cu contrabanda di hende.

Corsou te ainda no ta completamente cumpli cu e standard minimo pa e eliminacion di contrabanda di hende. Segun e rapport di trafficking in Persons di aña 2023, tin esfuerzonan insuficiente haci pa combati contrabanda di mucha.

HRDC a reitera su yamado pa inversion den medidanan robusto y creacion di capacidad pa aumenta e conscientisacion di esaki. Tin un confusion andando entre contrabanda di hende y mensensmokkal, cual ta stroba efectividad di esfuerzonan di fiscalia, prevencion y

proteccion.

Contrabanda di hende ta trata explotacion y control, mientras cu mensensmokkal ta trata crusa frontera ilegalmente cu e participacion boluntario pero toch peligroso di e persona cu ta ser transporta.

HRDC ta urgi coordinacion mehora di gobierno, ambos internamente y cu organisacionnan di sociedad civil. Tin un necesidad urgente pa medidanan comprensivo pa proteha e gruponan vulnerabel y asisti e muchanan victima.

Esaki ta rekeri esfuerso hunto na ambos nivel nacional y in-



ternacional, segun HRDC. Proteha muchanan mester keda e prioridad, leynan mester keda fortaleci, aplicacion di ley mehora y mas recurso mester ser haci disponibel pa combati e contrabanda di mucha.

E ta crucial pa fortalece e proteccion di muchanan y adapta ley criminal pa cumpli di miho manera cu e necesidad di muchanan, segun HRDC ta declara.



(CuraçaoChronicle) - E cifranan di Ministerio Publico (OM) pa aña 2023 ta demostra un cambio den e tipo di crimen na Corsou. E cifra total di e casonan registra a disminui for di 851 den 2022 pa 815 den 2023.

E disminucion aki di un poco mas cu 4 porciento por indica

cambio den prioridadnan entre agencianan di autoridad of un cambio den e naturalesa di crimen.

Den 2023 a comete menos crimen serio. E cantidad a cay for di 379 den 2022 te na 351 den 2023, un disminucion di casi 7.5 porciento. Esaki por ta un señal di medidanan preventivo of un disminucion den varios

Ministerio Publico: Menos crimen serio y mas ofensa hubenil den 2023

actividad criminal. Sinembargo, no ta tur cifra ta refleha un disminucion. E cantidad di ofensanan hubenil a aumenta significativamente for di 32 te cu 50, un aumento di mas si 55 porciento. E aumento aki ta haci yamado pa atencion y intervencion personalisa pa atende e crimen den hobennan. Crimennan comun, cual hopi biaha ta causa sentidonan di inseguridad entre ciudadanonan, tambe a aumenta. Den aña 2022, tabatin 249 caso, mientras cu e cantidad aki a

aumenta na 275 den 2023, un aumento di mas di 10 porciento. E aumento aki por indica un aumento den ofensanan chikito pero frecuente cu ta impacta di manera directo e bida diario di e residentenan di Corsou. E asina yama “casonan di 6 ora,” pues esnan cu keda resolvi dentro di 6 ora, a demostra un disminucion significante. Den 2022, tabatin 117 do e casonan aki, mientras cu den 2023, e cantidad aki a cay na 80, un disminucion di 40%. Esaki por sugeri un proceso mas eficiente

of menos incidente cu ta cay dentro di e categoria aki. Ofensanan di trafico tambe a disminui un poco, for di 64 den 2022 te cu 42 na 2023, un disminucion di casi 35%. Esaki por ta un desaroyo positivo, potencialmente a causa di autoridad den trafico mas estricto y campaña di conscientisacion, pero tambe e por indica menos presencia di polis riba caya. Ofensanan militar a mira un aumento chikito, for di 9 pa 12 caso y violacionnan ambiental a keda na un caso pa aña.

Mas cu 1 miyon trahado expuesto na substancianan peligroso

(nltimes.nl) – E alrededor di 100 mil compania na Hulanda cu ta traha cu substancianan peligroso ta hopi relaha. E Inspeccion di Labor mester recorda nan cada biaha di nan responsabilidad pa proteha mas cu 1 miyon empleado. Trahadonan frecuentemente ta expuesto na substancianan invisibel of sin holor sin ripara. Alrededor di 4.100 hende ta muri di enfermedadnan ocasiona pa trabou tur aña, segun Trouw a reporta di un rapport nobo di e Inspeccion di Labor.

Enfermedadnan ocasiona pa trabou manera cancer di pulmon y COPD contagia na trabou por reduci cu medidanan relativamente simpel, e Inspeccion ta raporta. Dunadonan di trabou por pone un camber

separa pa come y cambia paña, tapa bari di substancianan toxico pa preveni exposicion innecesario, sigura cu nan tubonan no ta leak y haci limpi cu un stofzuiger en bes di un basora.

E Inspeccion di Labor ta considera e medidanan aki di sentido comun pero ta haya repetidamente cu dunadonan di trabou no ta implementa nan. Den añanan recien, inspectornan a bishita mas cu 1.000 compania pa wak con nan ta trata substancianan manera chromium-6, huma di welder, stof di palo y emision di motor di diesel - toxinan cu por causa cancer, dañu genesnan of reduci fertilidad. Variando pa sector, e cantidad di compania cu no ta proteha nan trahado suficientemente tabata varia entre 55% y 87%.

Den e sector cu ta haci



tankinan limpi, e Inspeccion mester a apunta e peligran na casi cada compania. Mayoristanan kimico y fabricantenan di adherente, resinayseyamento actual hopi malo tambe. Tres cuarta parti no tabata sa mucho tocante exposicion na substancianan peligroso. “Esaki mientras nan ta suministrador. Nan mester pasa informacion na e cumprado tocante e riesgonan,” e Inspeccion a bisa.

Na final, e dunador di trabou ta responsable pa haci un

evaluacion di e riesgonan pa salud causa pa substancianan peligroso, Erwin Gorissen di e Asociacion Hulandes pa Enfermedadnan Ocasionala na Trabou y Compania (NVAB) a bisa Trouw. “Pero si un dunador di trabou no ta haci esaki, regularmente no tin ningun castigo.” Esaki ta resulta den hopi compania cu no ta haci analisis di riesgo pues ta simplemente mas barata pa ignora e riesgonan, el a bisa.

Segun Gorissen, companianan por detecta

riesgonan pa salud mas tempran door di controla salud di nan empleadonan preventivamente. “Pero e problema cu esaki ta cu e dunador di trabou ta determina kico ta ser controla. Un control amplio ta costa mas placa, pues hopi compania ta solamente pisa nan empleadonan of midi nan presion di sanger.” E controlnan limita no ta detecta enfermedadnan cu por desaroya riba termino largo.

“Hopi enfermedad ocasiona pa trabou ta aparece solamente despues di 15 of 20 aña, pero e dunadonan di trabou ta pensa solamente riba termino cortico,” Gorissen a bisa. “En bes di anticipa enfermedadnan ocasiona pa trabou, companianan ta tuma accion solamente ora un hende bira hopi malo.”

NS ta kita 500 trabou na su oficina principal pa reduci gastonan



(nltimes.nl) - NS ta kita 500 trabou na su oficina principal pa reduci gastonan. E compania di trein Hulandes tin plannan pa haci esaki door di “salida natural” en bes di despido. E ta investigando tambe si por elimina gastonan riba renobacion di trein, NS a bisa na e presentacion di su cifranan di mita di aña diahuebs. E compania di trein a sufri un perdida operativo di 109 miyon euro den prome mita di 2024.

“E gastonan cu NS ta sufri pa opera e servicio di trein ta keda mas haltu cu e ingreso di benta di ticketnan di trein,” e compania di trein a bisa. “Aunke no por evita completamente, NS ta haci tur cos posibel pa sigura cu e cortenan di presupuesto tin e menos impacto posibel riba pasaheronan y operacion.”

NS ta enfrentando cantidad di pasaheronan decepcionante desde pandemia. Ahorro di costo ta necesario pa “mejora prestacion financiero y mantene e ticketnan di trein

lo mas barata posibel.” NS ta spera cu e cortenan di trabou y e reduccion asocia di espacio di oficina lo salba mas o menos 200 miyon euro pa aña.

Den e prome mita di 2024, pasaheronan di trein a baha 6.4% mas kilometer cu un aña anterior. A pesar di e mehoracion, e cantidad di kilometer di pasahero tabata solamente 94% di e kilometer cu nan biah den 2019, e ultimo aña prome cu e pandemia. Na mesun momento, gastonan a subi significativamente pa motibo di inflacion haltu y aumento di salario pa proteha poder di compra di empleadonan.

Den e prome mita di e aña aki, NS a gana 1.802 miyon euro door di transporta pasaheronan di trein y opera su stacionnan di trein. Pero su gastonan a yega na 1.914 miyon euro, resultando den un perdida operativo di 109 miyon euro. Den e mesun periodo di aña pasa, e compania di trein a sufri un perdida di 87 miyon euro.

E resultado neto pa prome mita di 2024 ta un perdida di 33 miyon euro, compara cu un ganashi di 38 miyon euro den mesun periodo di aña pasa. “Den prome mita di 2023, e resultado neto tabata influencia pa ingreso incidental,” NS a bisa. “Despues di e coreccion pa esaki, e re-

sultado neto pa prome mita di 2023 ta comparabel cu e resultado neto reporta pa e prome mita di 2024.”

NS a adverti tambe cu e prijs di ticketnan di trein por subi drasticamente otro aña. Na insistencia di parlamento, e gobierno a duna NS 120 mi-

yon euro pa 2024 pa pospone un aumento di 8.7% den e prijs di ticketnan. “E suma aki no ta disponibel pa 2025, forsando NS pa implementa e aumento di tarifa cu a ser posponi den 2024, riba di inflacion regular.”



Gratis Back to School Haircuts!

San Nicolas: 4 augustus
Dakota: 11 augustus

Registracion:
Entre 9am-4pm
Tel. 582 2219

EDAD 4-12

**Pa muchanan cu no tin
posibilidad di corta
cabey y paga!**

OEA no ta aproba resolucion riba situacion na Venezuela

(NTN24) – Diaranson a tuma lugar e sesion extraordinario di Organizacion di Estadonan Americano, OEA cu ta evalua e resultadonan cuestiona di eleccion presidencial na Venezuela. E ronda di votacion a keda cu 17 voto na fabor, 0 contra, 11 abstencion y 5 delegacion ausente. Pa aproba e resolucion tabata necesario 18 voto.

E reunion a cuminsa cu e pronunciamiento di Ronald Sanders, embahador di Antigua y Barbuda, presidente di Consejo Permanente di OEA. Prome cu e votacion, Sanders a sigura cu no a yega na un consenso pa un solo frase den e resolucion, pa loke mester a vota. “Mi ta lamenta cu nos ta permiti cu un frase ta impedi nos tin un documento cu consenso pleno,” el a bisa prome cu duna paso na e votacion.

Despues di e intervencion di Sanders, e ronda di votacion a cuminsa. Despues di e conteo, a keda registra cu OEA no a aproba e resolucion riba e situacion na Venezuela.

E paisnan cu a abstene di vota tabata Belice, Bolivia, Brazil, Colombia, Granada, Honduras, St. Lucia, Bahamas, Barbados, Antigua y Bermuda y San Cristobal y Nieves.

E paisnan cu a vota na fabor tabata Ecuador, Argentina, Surnam, Rep. Do-



minicana, Peru, Paraguay, Panama, Jamaica, Haiti, Guyana, Guatemala, Merca, El Salvador, Costa Rica, Chile y Canada.

E paisnan ausente tabata Mexico, Grenadinas, Trinidad y Tobago, Venezuela y Dominica.

E puntonan cu a discuti den e sesion extraordinario tabata:

1. Reconoce e participacion substancial y pacifico di e electorado di Venezuela den eleccion celebra dia 28 di juli 2024.
2. Urgi Consejo Nacional Electoral di Republica Bolivariano di

Venezuela pa a) publica inmediatamente e resultadonan di votacion di eleccion presidencial na nivel di cada mes electoral, cual ta un paso esencial; y b) manera e actornan politico Venezolano relevante a solicita, haci un verificacion integral di e resultadonan den presencia di organisacionnan di observacion independiente pa garantiza transparencia, credibilidad y legitimidad di e resultadonan electoral.

3. Declara cu ta un prioridad absoluto pa salvaguardia e derechonan humano fundamental na Venezu-

ela, specialmente derecho di ciudadanonan pa manifesta pacificamente sin represalia.

4. Resalta e importancia di protege y preserva tur ekipo usa den e proceso electoral, incluyendo e actanan y resultadonan imprimi, cu meta pa salvaguardia henter e cadena di custodia di e proceso di votacion.
5. Expresa solidaridad cu pueblo Venezolano y compromiso na permanece atento na e situacion na e Republica Bolivariano di Venezuela, solicitando gobierno pa garantiza e seguridad di e instalacionnan diplomatico y di e personal residente den teritorio Venezolano, incluyendo e hendenan cu solicita asilo na dicho instalacionnan, conforme derecho internacional y den particular e Convencion di Viena riba Relacionnan Diplomatico.

Consejo Nacional Electoral a declara Nicolas Maduro como ganador di eleccion presidencial dia 28 di juli. A pesar di loke a considera fraude electoral, presidente di CNE, Elvis Amoroso a proclama Maduro como ganador di eleccion. Despues di esaki, miles di Venezolano a subi caya pa defende nan voto. Na e momento aki a registra varios protesta na e pais cu a laga mas di 11 morto y al menos 429 detencion.

El Salvador ta propone intercambio di criptomoneda cu Rusia



(CryptoSlate) – Segun reportahenan, El Salvador a sugeri pa usa activonan digital manera Bitcoin pa haci comercio cu Rusia y asina evadi e sancionnan economico extensivo imponi riba Moscu.

Alexander Ilyukhin, prome secretario di Rusia na embahada Nicaraguense y cabesante na su oficina di El Salvador, a revela esaki den un entrevista cu noticiero estatal Izvestia.

E uso proponi di criptomoneda tin como meta atende e impacto di sancionnan y retonan logistico riba canalnan convencional di comercio. Mientras

cu exportacion Ruso na El Salvador a keda relativamente stabiel, importacion a reduci significativamente.

E implementacion di un mecanismo di comercio basa riba criptomoneda por ofrece un solucion practica pa e bareranan financiero aki. Segun Ilyukhin, “calcula transaccionnan ta dificil pasobra e moneda oficial di El Salvador ta e dollar Mericano. Como un alternativa, El Salvador ta sugeri pa usa criptomoneda pa operacionnan comercial.”

El Salvador a bira e prome nacion pa adopta Bitcoin como forma legal di pago na 2021, y firmemente a

posiciona su mes como un pais pro-cripto. Esaki ta evidente di su compranan diario di Bitcoin y varios regulacion sosteniendo e sector.

Sinembargo, Ilyukhin a menciona cu Rusia por hay’e dificil pasobra uso di criptomoneda ta prohibi como forma di pago legal desde comienso di 2021. El a nota cu “Bitcoin no ta usa ampliamente na nos pais, pues nos ta buscando otro maneranan pa reforsa comercio.”

A pesar di esaki, expertonan ta kere cu e propuesta por atende e bareranan comercial causa pa sancionnan di Occidente. Pa motibo di e cautela aumenta entre e banconan local, e sancionnan aki a afecta e comercio di Rusia cu partnernan mayor, incluyendo China.

Recientemente, estado Ruso, Duma a pasa legislacion cu ta legalisa mineria di Bitcoin y ta permiti e uso di criptomoneda pa comercio internacional.

Legislador Ruso, Anton Gorelkin, vice-presidente di e Comité riba Politica di Informacion di estado Duma, a enfatisa e importancia di e legislacion den un post riba e app Telegram. El a resalta actualisacionnan reciente, bisando cu “nos a logra cancela e provision cu ta prohibi e organisacion di circulacion di criptomoneda, cual den su version actual a causa preocupacionnan serio entre representantenan di e industria. E prohibicion riba aviso di monedanan digital ta keda na vigor, pero ta bay ta inclui den e amiendanan corespondiente na e Ley Federal ‘Riba Aviso.’”

Recently, the Russian State Duma passed a bill legalizing Bitcoin mining and permitting the use of crypto.

Puerto Rico: Asociacion di Alcaldenan ta denuncia retraso den e pago di fondonan presupuesta pa e municipionan

(ElNuevoDia) – E presidente di e Asociacion di Alcaldenan, Luis Javier Hernandez, a denuncia diamars e supuesto retraso den e distribucion y pago di e fondonan aproba pa e municipionan den e presupuesto vigente for di 1 di juli, un gestion cu, el a bisa, ta den combersacionnan entre e Hunta di Supervision Fiscal (JSF) y e Oficina di Gerencia y Presupuesto (OGP).



“Tur e fondonan asigna na e municipionan tabatin e condicion cu e Hunta mester a haci e distribucion. Te dia di awe, nos no a ricibi ni un solo cent di ningun di e partinan cu a ser asigna. Ni e Fondo di Servicionan Esencial, ni e fondo pa e paramediconan, ni e fondo pa traha e consolidacion municipal,” e alcalde Villalba a bisa.

“Tempo ta loke ta preocupa nos, pasobra e municipionan

ya caba a traha nan presupuesto a base di algun recurso, y e recursonan ey, te ora cu nan ser distribui pa e Hunta, no ta ser manda pa e CRIM (Centro di Recaudacion di Ingresonan Municipal) y nos no a ricibi nan,” el a agrega.

E expresionnan di e lider di e organizacion cu ta agrupa e alcaldenan afilia na e Partido Popular Democratico (PPD) a sucede despues di un re-

union cu e director ehecutivo di JSF, Robert F. Mujica. Den e conferencia di prensa, Hernandez a indica cu e respuesta di e entidad na su reclamo tabata cu nan ta den combersacionnan cu e OGP pa distribui e fondonan.

Tocante esaki, e vocero di JSF, Sylvette Santiago, a comenta separa, cu e distribucion di e placa aproba na e municipionan ta parti di e analisis cu nan ta discutiendo

y a describi cu “e reunion tabata di hopi apertura di ambos parti.”

Hernandez a sostene di su banda cu e encuentro tabata “cordial, pero nos ta bay sin nada.” “Tin un placa presupuesta cu nan no a paga y cu e municipionan tin mester di dje, pasobra e servicionan esencial no tin fecha di vencemento,” el a indica.

Mientras tanto, e director ehecutivo di OGP, Juan Carlos Blanco, a splica, den declaracionnan por escrito na El Nuevo Dia, cu e combersacionnan cu JSF a cuminsa durante e desaroyo di e presupuesto y, una bes el a ser aproba, sesionnan di trabou a cuminsa entre ambos entidad.

“Como parti di e plan di trabou, nos ta atendiendo e rekisitonan cu ta establece dia 31 di augustus como fecha limite pa e aprobacion

di e guianan y procede cu e pago di e fondonan aproba,” Blanco a destaca.

Den e presupuesto vigente, a inclui partimento di fondonan pa yuda e municipionan, entre cual ta destaca 30 miyon di dollar pa e Fondo di Servicionan Esencial y 49.5 miyon pa e co-pago di e 10% cu ta coresponde nan aporta na e municipionan di e placa asigna pa e Agencia Federal pa e Maneho di Emergencianan (FEMA) despues di e paso di horcan Fiona, den 2022.

Nan a asigna tambe 61.5 miyon di dollar pa e recoleccion y disposicion di desperdicionan solido, 9 miyon pa e contratacion di paramediconan, 3 miyon pa apoya e desaroyo di e plannan di desaroyo teritorial di varios pueblo y otro 35 miyon di dollar pa iniciativanan den beneficio di nan ciudadanonan.

Republica Dominicana: Polis y bomberonan ta ricibi descuento di hasta 23% na e boticanan principal di e pais

(DiarioLibre) – Den un acuerdo firma diaranson pa e minister di Interior y Polis, Jesus Vasquez Martinez y empresarionan di e sector farmaceutico di e pais a garantis cu e polis- y bomberonan tin un descuento di hasta 23% na tres di e boticanan principal di e pais.

Den un rueda di prensa na e sede di Interior y Polis, e representantenan di e boticanan Carol, Los Hidalgos y GBC a firma e acuerdo, cu segun nan a splica, ta ahusta dentro di e marco di e proceso di dignificacion y modernizacion policial.

E descuentonan pa e uniformadonan na tur e sucursalan di e pais di e boticanan Medica GBC ta di 23%; na e boticanan Carol, e ta un descuento di 20% y na Los Hidalgos un 10%.

Vasquez Martinez a afirma cu pidi ayuda pa compra un receta di e servidornan publiconan a keda den pasado.

El a precisa cu despues di decadanan di a wordo laga den olvido pa autoridadnan



anterior, danki na e procesonan di reforma y dignificacion, polis- y bomberonan ya tin nan necesidadnan basico cubri y ta traha den condicionnan mas apropiada pa contribui cu su eficiencia y modernizacion.

“E epoca di pidi ayuda pa compra un receta a termina. Esey ta parti di e dignificacion di boso, nos polis- y bomberonan,” Vasquez Martinez a bisa.

El a menciona e aumentonan salarial realisa pa polis y bomberonan, cu ya ta conta cu seguro medico cu bon cobertura y seguro di bida. Den e caso di e miembronan di e cuerpo di orden publico, nan ta forma parti tambe di un plan di vivienda, a traves di “Familia Feliz.”

El a expresa cu nan a logra descuentonan pa e compra di alimento, pa servicionan di telefon y internet, dona-

cion di telefonnan celular y computer y acceso na transport publico gratis a traves di e busnan di OMSA, Metro y Teleferico Santo Domingo, entre otro beneficianan.

Ademas, e polis y bomberonan ta bay ricibi un descuento di 25% a traves di Laboratorionan LAM y reduccion den e co-pago di testnan di laboratorio clinico na Analisa Laboratorio. Dentro di e marco di e acu-

erdonan, e beneficiario solamente mester como rekisito presenta na e botica y laboratorionan su carnet cu ta acreditele manera empleado; presenta su cedula di identidad y electoral y e receta di dokter na su nomber.

E descuentonan no ta inclui compra di lechi, proteina, pampers y cualkier otro producto cu no ta cay dentro di e politica di descuento di e empresanan aki.

2,000,000

SUMMER

POINT GIVEAWAY

JULY 1 TO AUGUST 31

Win your share of \$20,000 in points!

20 WINNERS EACH DAY

You can win up to \$100 in Points!

Swipe and play free once daily. Earn 100 Slot Points or 8 Table Credits and play again — up to 5X each day

See Players' Club for full rules. Points can be converted to Free Slot Play.



Open daily 10am to 3am | J.E. Irawsquín Blvd #47 | 583.5000 | casinoalhambra.com



Cardi B ta divorciando Offset; el a publica cu e ta na estado cu nan tercer yiu riba Instagram

(AP)—Cardi B a entrega peticion di divorcio for di su casa, rapero Offset.

Un representante pa Cardi B a confirma e noticia pa AP, skirbiendo, “Esaki no ta basa riba un incidente en particular, a anticipa esaki di basta tempo y e ta amigable.”

Riba Instagram, Cardi B no a comenta directamente riba e noticia di su divorcio, pero a publica un potret di dje wantando su stoma revelando un bariga di baby.

“Cu tur fin ta bin un comienso nobo! Mi ta asina gradici pa a comparti e temporada aki cu bo, bo a trece mi mas amor, mas bida y mas cu tur cos, bo a renoba mi poder,” el a skirbi. “Ta hopi mas facil pa tuma e cambianan di bida pasivamente, pero abo, bo ruman homber y ruman muhe a mostra mi cu e ta bale la pena pa sigui pusha!”

Cardi B y Offset, di ken nan nomber real ta Belcalis Almanzar y Kiari Cephus respectivamente, tin dos yiu

hunto; yiu muhe di seis aña Kulture y yiu homber di dos aña Wave.

E pareha hip hop aki—Offset ta conoci pa su rol den e grupo di rap Migos y su carera singular exitoso—a casa den secreto dia 20 di september 2017 na Atlanta. Nan a anuncia nan compromiso un luna despues.

Na 2020, Cardi B a entrega peticion pa divorcia Offset, bisando cu su matrimonio tabata “irreparablemente kibra.”



(AP) - Carrie Underwood lo ta e proximo cantante cu lo sinta tras di e mesa di hues na ‘American Idol’, reemplasando Katy Perry despues di su salida di e programa.

Carrie Underwood lo regresa ‘American Idol’ como hues nobo

Underwood, ken a genera su fama despues cu el a gana e competencia na aña 2005, lo bolbe 20 aña despues como hues pa e temporada binidero, cual lo lansa den aña 2025. E ta e prome ganador di “American Idol” cu lo bira un hues.

Den un video emocional anunciando su rol nobo, el a bisa “mi ta orguyoso di tur cos cu mi a logra riba e programa aki y mi ta hopi orguyoso di tur loke

mi a logra desde e programa.”

E cantante di e genero Country, ken ta e artista mas elogia den historia di CMT Music Awards cu 25 victoria, a hala atencion cu su version di Bonnie Raitts su “I can’t make you love me” na su audicion, y rapidamente a bira un di e faborito di e fanaticonan.

“E temporada binidero aki ta marca 20 aña desde cu Carrie a gana America su

curason riba “Idol” y a lansa su carera exitoso. Como ex Idol y forsa musical dinamico, e ta aporta un perspectiva remarcablemente unico na un di e programanan mas popular riba television,” Craig Erwich, e presidente di Disney Television Group a comenta. “Esaki ta un momento ‘full circle’ pa ambos e programa y e audiencia na cas cu a mira e programa pa mas di 2 decada. Bon bini cas, Carrie.”

Pelicula biografico di Britney Spears lo ser produci pa Universal cu Jon M. Chu como director

(AP)—Universal Pictures a haya e derechonan pa e memoir di Britney Spears titulo “The Woman in Me” y lo desaroya un pelicula biografico di e estrella di pop, cual lo ser produci bao direccion di John M. Chu, segun e estudio a anuncia ayera.

Despues di un ofishi competitivo, Universal a gana e derechonan di pelicula pa e memoir, cual a bende mas cu 2.5 miyon copia desde su publicacion na october aña pasa. Marc Platt, e productor veterano di “Wicked” y “La La Land”

ta plania pa produci, cu Chi (“Crazy Rich Asians”, “In the Heights”) pa dirigi.

Spears mes a celebra e noticia riba X, unda el a tweet cu e tabata “emociona pa comparti cu mi fanaticonan cu mi ta trahando riba un proyecto secreto cu #MarcPlatt. E semper a traha mi pelicanan faborito...keda pendiente.”

Spears, 42, den su buki ta conta con el a yega na fama for di “The Mickey Mouse Club” pa estrellato global di pop, como



tambe su retonan cu e tutela cu a ser disolvi na 2021. E memoir a revela cu el a haya un abortus mientras e tabata cu Justin Timberlake mas cu 20 aña pasa.

Pelicanan biografico di musica ta un di e genero mas popular na Hollywood den e ultimo añanan, cu pelicanan recien tocante Elvis, Amy Winehouse y Bob Marley. Otro cu lo sali pronto ta “A Complete Unknown” cu Timothée Chalamet como Bob Dylan, y un biografico di Michael Jackson pa otro aña.

BO TA BAI CU VACANTIE?
Roaming

Busca bo Roaming International Data Bundle facil via bo SETAR App

International Roaming Bundle

Data	Outgoing & Incoming Minutes	SMS	Duration	Price
500 MB	10	10	1 Day	Afl. 25
1 GB	30	30	7 Days	Afl. 65
3 GB	60	60	30 Days	Afl. 140

Keda semper conecta!

* SETAR's International Roaming Bundle ta aplicabel pa Canada, Colombia, Costa Rica, Alemania, Irlanda, Italia, Mexico, Nieuw Zealand, Hulanda, Austria, Peru, Turkia, Merca y Reino Uni.

SETAR

Lo celebra e di 100 cumpleaños di Jimmy Carter cu gala musical na e Fox Theatre na Atlanta



(AP)—Ex-presidente Mericano Jimmy Carter lo ser honra proximo luna, prome cu su di 100 aña, cu un gala musical na e Fox Theatre na Atlanta, segun The Carter Center a anuncia ayera.

E evento di dia 17 di september—"Jimmy Carter 100: A Celebration in Song"—lo inclui musicantenan for di un variedad di genero y bishitanan celebridad. E cumpleaños di Carter ta dia 1 di october.

Artistanan ta inclui Chuck Leavell, D-Nice, Drive-By Truckers, Eric Church, GROUPLOVE, Maren Morris y The Atlanta Symphony Orchestra Chamber Chorus. Bishitanan notable ta inclui ex-hungador di Atlanta Braves Dale Murphy, rapero Killer Mike y actor Sean Penn. Otro bishitante los er anuncia prome cu evento, segun e organisadornan a bisa.

E di 39 presidente Mericano, ken a sirbi entre 1977 pa 1981, ta biba na su cas na



Plains, Georgia, unda e ta ricibiendo cuido di hospicio desde februari 2023. A mir'e ultimo den publica na

e entierro di ex-prome dama Rosalynn Carter, ken a muri na november pasa. Pero esnan cerca di dje ta bisa cu e ta keda cu spiritonan halto, tin biaha ricibiendo bishita, regularmente mirando weganan di Braves riba television y ainda disfrutando di musica.

"Sea e ta riba su tocadisco, riba e trail di campaña, of den cura di e White House, musica semper tabata y ta sigui ta un fuente di felicidad, confort y inspiracion pa mi tata welo," segun Jason Carter a bisa den un declaracion.

Jason ta presidente di e directiva gobernante na e Carter Center, e organisacion di derechonan humano cu Jimmy y Rosalynn Carter a lansa na 1981, net despues di sali for di e White House.

Ta anticipa cu e programa na e Fox Theatre lo celebra e trabao di abogacia di Carter pa derechonan humano, salud publico y democracia rond mundo.

Presidente di e cuerpo di boxeo mundial ta apoya e maneho di IOC riba asuntonan di genero na Olimpiada

(AP)—E presidente di e cuerpo gobernante cu ta spera pa organisa e proximo torneo di boxeo Olimpico a bisa cu ta apoya e politicanan di eligibilidad di IOC na e Weganan Paris, y el a urgi cu nan sin comprendemento profundo di asuntonan di genero pa confia esnan determina pa profesionalnan y cientificonan medico.

Presidente di World Boz Boxing Boris van der Vorst tambe a conta AP ayera cu su organizacion lo semper pone e seguridad di atleta prome ora ta desaroya su mesun politica riba salud y genero, mientras tanto reconociendo cu deportenan combativo tin biaha ta rekeri extra consideracion pa proteha tur atleta.

Van der Vorst ainda ta den desacuerdo cu criticonan di e maneho di IOC di e torneo Olimpico, especificamente e eligibilidad di boxeadornan hende muhe Imane Khelif di Algeria y Lin Yu-ting di Taiwan.

“Mi ta kere ta hopi importante cu ora hende ta eligible



pa competi aki, nos mester respecta nan,” van der Vorst a bisa. “Mi ta kere ta un situacion tristo pa tur boxeador, tur hende involvi aki.”

E International Boxing Association cu a ser expulsada, cual World Boxing ta spera di por reemplasa, a bisa cu ambos boxeador a fracasa nan test di eligibilidad di genero durante e campeonatonan mundial 2023 despues cu ambos a competi den boxeo amateur pa hopi aña.

Khelif a gana su prome pelea na Paris ayera ora su oponente, Angela Carini di Italia, a retira despues di solamente 46 seconde. Aunke Carini a bisa cu e no ta bay haci un declaracion politico tocante Khelif, e retiro emocional di Carini a bira un sensacion global riba red social y den gueranan di cultura occidental.

“Loke a pasa awe, e no mester a pasa asina,” van der Vorst a conta AP. “E presion cu tin di red social, di prensa, di



tur hende, e no ta yuda, y ta afecta tur hende.”

Critica di e dos boxeadornan Khelif y Lin ta basa parcialmente dne e politica-y decisionnan di e IBA, cual a keda pafo di e movimiento Olimpico desde 2019 despues di varios aña di preocupacion for di IOC tocante su liderazgo, integridad y transparencia financiero.

Pa e evento aki, IOC a usa reglanan for di 2016 pa determina e eligibilidad di genero di un boxeador, mientras cu varios cuerpo deportivo a update nan regla di genera durante e ultimo tres aña,

incluyendo World Aquatics, World Athletics y e International Cycling Union. E cuerpo gobernante pa track and field a bira mas estricto tocante su reglanan ria atleta cu diferencia den desaroyo di sexo.

IBA a descualifica Khelif for di su campeonato mundial pasobra el a bisa cu e atleta tabatin nivelnan halto di testosterona, y el cuerpo a kita e medaya brons di Lim pasobra el a bisa cu el a fracasa pa cumpli cu e rekisitonan di eligibilidad den un test biomedico.

Triatletanan Olimpico a landa den Riu Seine algun dia despues di e preocupacionnan tocante calidad di awa

(AP)—Triatletanan Olimpico a bula den e Riu Seine diaranson despues cu e organisadornan a declara e awa na Paris safe pa landamento algun dia despues cu a trece dilanti preocupacionnan tocante nivelnan halto di bacteria causa pa yobidanan fuerte siman pasa.

E hende muhenan a bula den e Riu cerca di e Pont Alexandre III 8or di mainta, cu yobida fingiendo net ora e atletanan a cuminsa nan careda. Algun a muha nan goggles den e riu prome cu bisti'e pa landa den e riu cu e bista di Eiffel Toren net patras di nan. E hendenan homber a sigui nan tres ora despues.

E decision pa continua cu e landamento pa e competencianan di triatlon tabata algo grandi pa e ciudad, e organisadornan di e evento y e atletanan. Oficialnan a tuma un tarea ambicioso, incluyendo 1.4 biyon euro den mehoracion di infraestructura, pa lim-



pia e riu cu tin hopi tempo contamina. Nan a pusha fuerte riba nan insistencia cu e porcion di landamento di e triatlon y e marathon di landamento por tuma luga siguramente den e riu.

Despues di algun dia di incertud despues di yobida diabierna y diasabra siman pasa, e organisadornan a bisa diaranson cu e testnan recien di e awa a muestra cu e ta cumpli

cu e standardnan di calidad. Nan no por a wanta nan felicidad cu nan riesgo di tene e evento den e riu a logra exitosamente.

Mientras nan a landa, e triatletanan a keda cerca di e botonnan cu banda di e banconan di e riu. Spectadornan a mira y a apoya den e bankinan poni na banda y for di e brug riba e riu. Despues di landa dos ronda den e Seine, un curso



di 1.5 kilometer, e atletanan a sali f'ey awa y a core subi trapi pa subi riba nan bais pa un careda den e cayanan di Paris, incluyendo e iconico Champs-Elysees. Durante e careda di hende muhe, e porcion di ciclismo di 40 kilometer a mira varios accidente riba e camindanan muha, pero shelo tabata blauw ora e triatletanan a cuminsa e ultimo segmento di e careda, un cori di 10 kilometer pa ora e careda di hende homber a

cuminsa, e solo tabata kima y e temperatura a subi.

Cassandre Beaugrand di Francia a gana oro den evento di hende muhe, mientras cu Julie Derron di Suisa a tuma plata y Beth Potter di Britania a haya brons. Alex Yee di Britania a gana oro den e careda di hende homber, sigui pa Hayden Wilde di New Zealand cu plata y Léo Bergère di Francia cu brons.

Cientifico full-time y basketbolista part-time Canyon Barker ta busca oro na Olimpiada

(AP) - Canyon Barry ta un hungado di basketball part-time. Su trabao full-time ta como un ingeniero di sistema pa defensa y contratista di espacio.

Barry, ken lo subi veld na e Olimpiada ta buscando un medaya di oro 3x3 pa e ekipo Mericano, cu un master's den ingenieria nuclear na College of Charleston na Florida.

“Cientifico, ingeniero, resolvidor di problema, bo mes mag di scoge,” Barry a comenta.

Pa loke ta trata su trabao cu espacio aereo y compania di defensa L3Harris Technologies, Barry no por a comenta hopi.

“Mi a papia cu e compania y nan a bisa pa no duna hopi informacion pa loke ta trata

nos programanan cu nos ta trahando riba dje a causa di seguridad y permiso,” el a splica. “Pero si nos tin un gran cumplimento internacional y seguridad den mercado. Nan a duna mi splicacion riba tur esaki y mi a bisa mi ta bay lag’e na ingenieria di sistema.”

E ekipo di Merca a perde su wega di apertura diamars contra Serbia. E Mericanonan lo hunga contra Polonia riba diaranson.

Ora cu e no ta cu e demas miembronan di ekipo preparando pa e Olimpiada, e yiu di Hall of Famer y campeon di NBA Rick Barry, hopi biha ta haya su mes na su laptop ta traha riba proyectonan pa L3Harris Technologies.

A causa di e ekipo su biahe internacional prome cu e

Olimpiada, Barry mester a participa den yamadanan via zoom y haci su trabao diario den medio di anochi mientras resto di e ekipo ta drumi.

E atleta di 30 aña ta aprecia e sosten cu el a ricibi di e compania mientras e tabata prepara pa e Olimpiada. E ta riba vakantie di su trabao durante e weganan pa asina e por dedica tur su atencion na e buskeda di oro.

“Mi ta hopi afortuna di traha pa e compania aki y pa tur loke nan a permiti mi haci,” Barry a comenta. “Tambe mi ta kere cu realmente nan a conecta cu e spirito di Olimpiada pa motibo cu nan ta proteha nos luchadornan den e guerra y e tipo di spirito Mericano aki den union ta hopi bunita.”

Barry tabata interesa den



ciencia desde un edad tempran y a pesar di a nace den un famia di basketbolista, su mama, Lynn Barry, a haci scol un prioridad den nan cas.

“Semper e tabata bisa, ‘bo nunca no sa ki por pasa cu deporte pa loke ta trata heridanan y ki dia lo ta bo ultimo wega,’ el a comparti. ‘Pues tin un carera pa cual bo ta sinti pasion y por tin un identidad fuera di deporte ta nifica hopi pa mi. Paso awo, ora cu e bala stop do bounce,

mi sa cu mi tin un pasion y un trabao cu mi por bay bek pa sinti mi mes orguyoso y disfruta pa resto di mi bida.”

Mientras cu Barry su miembronan di ekipo ta aprecia su intelecto y atencion na detaye riba veld, tambe tin momento unda nan ta cansa di su coreccionnan.

Sin importa esaki, toch tin amor den abundancia den e ekipo tanto pa otro como pa e deporte.



VACATURES Land Aruba



- Juridisch beleidsmedewerker (Directie Scheepvaart)
- Hoofd Ondersteuning (Centraal Bureau voor de Statistiek)
- Junior/senior assistant-Accountant (Centrale Accountants Dienst)
- Accountant (Centrale Accountants Dienst)
- Controleleider (Centrale Accountants Dienst)
- Medewerker Informatisering/Automatisering (Griffie der Staten)

Aplica
awe

Bin forma
parti di e
desaroyo di
nos isla

Kijk voor meer informatie op onze website:
hrportaal.drh.gov.aw/vacatures

Alemania ta acusa cu China ta tras di un atake cibernetico di 2021

(AP) - Un investigacion a determina cu “actornan di estado Chines” ta responsabel pa un atake cibernetico di 2021 riba Alemania su oficina nacional pa cartografia, oficial na Berlin a bisa diaranson. E embahador Chines a ser convoca pa e Ministerio di Exterior pa un protesta pa prome biaha den decada.

Ministerio di Exterior su vocero Sebastian Fischer a bisa

cu e gobierno Aleman tin “informacion confiabel di servicionan di inteligencia” tocante e fuente di e atake riba Federal Agency for Cartography and Geodesy, cual el a bisa a ser ehecuta cu “e proposito di spionahe.”

“E atake cibernetico aki riba agencia general ta muestra con grandi e peliger di atakenan Chines cibernetico y spionahe,” Minister di Interior Nancy Faeser a bisa den

un declaracion. “Nos ta haci yamado na China pa stop y preveni e tipo di atakenan cibernetico aki. E atakenan aki ta menasa e soberania digital di Alemania y Europa.”

Fischer a nenga di elabora riba ken exactamente na China ta responsabel. El a bisa cu China su embahador a ser convoca ultimo na Ministerio di Exterior Aleman den 1989 despues di e incidente na Tiananmen Square.



China lo restringi exportacion di drone cu por ser usa pa propositonan militar y algun funcion di drone

(AP) - China lo prohibi e exportacion di tur drone civil cu no ta regula y cu por ser usa pa propositonan militar of den actividadnan terorista ademas di restringi algun funcion di drone mientras cu Beining ta enfrenta critica pa su posicion den e invasion di Rusia na Ucrania.

Ministerio di Comercio a bisa den un declaracion diaranson cu e decision a ser tuma tambe pa preveni e uso di drone den e “plamamento di arma di destruccion en masse,” agregando cu e aspecto manera ekipo di imagen laser pa indicacion di punto di atake y ekipo di me-



dida di precision halto tambe lo ser poni riba un lista di control di exportacion.

E ministerio tambe a bisa cu e lo kita restriccinnan tem-

porario riba e dronenan civil. E no a specifica cua tipo, pero aña pasa Beijing a restringi e exportacion di drone di rango largo mientras cu a cita e guerra na Ucrania como e

motibo.

E regulacionnan lo drenta den efecto dia 1 di september.

Reportahe den media y gobierno Mericano su inteligencia a bisa frecuentemente cu Rusia a cumpra drone Chines pa uso militar. Den april, oficialnan Mericano cu a papia cu The Associated Press bao condicion di permanece anonimo pa trata e resultadonan sensitivo a bisa cu China su benta na Rusia a surgi pa ser usa contra Ucrania, y cu ambos a traha hunto pa produci vehiculonan aereo sin chauffeur dentro di Rusia.

Drone a bira integral den e

guerra entre Rusia y Ucrania.

China ta e di 4 exportador mas grandi di arma den mundo, segun Stockholm International Peace Research Institute, despues cu Merca, Francia y Rusia. E gran cantidad di su exportacion a bay Pakistan, data di SIPRI a muestra, mientras cu tambe el a manda algun estado na Asia y Africa.


Oficialnan di seguridad na Merca a cada biaha mas keda preocupa tocante e uso di drone Chines di parti di gobierno Mericano y su departamentonan.

Microsoft ta bisa cu un atake cibernetico a causa e blackout cu a impacta cliente di Azure

(AP) - Un blackout global di Azure cu a impacta un rango di servicio pa cliente diamars, for di email di outlook cu no ta manda te problema cu haci pedido riba aplicacoonnan, a ser causa pa un atake cibernetico ‘distributed denial of service’, segun e gigante tecnico.

Microsoft Azure, un plataforma di computer ‘cloud’ usa pa companianan y organisacionnan mundial, a confirma e atake den un update y a bisa cu un eror inicial den e plataforma su respuesta di defensa por a “amplia e impacto na lugara di mitiga esaki.”

Como resultado, e sistemanan temporalmente a cay pa cierto cliente di Azure, Microsoft 365 y Purview. E compania su actualisacion a nota problemanan di co-



nectividad pa un “subset” di servicionan di Microsoft a cuminsa diamars y a dura casi

8 ora.

“Nos ta pidi dispensa pa cu alquier inconveniente cu esaki

por a causa,” Azure Support a publica riba X diaranson mainta.

Rapport di e blackout tabata algo plania diamars, cu un cantidad di compania y servicionan mirando nan usuarioman ta keha yegando miles riba Downtetector.com. Sinembargo tabatin mas ta yegando ainda. Problemanan tambe a keda reporta pa Microsoft su hungadonan di videogame, club di futbol Hulandes FC Twente y gobierno di Reino Uni su HM Courts and Tribunals Service y mas. Varios a haya un solucion y otronan a bisa cu e servicio a keda restaura dentro di oranan.



Chauffeur a bay dal tras di auto na De La Sallestraat



Diaranson atardi a drenta informe di un accidente na De La Sallestraat, mesora a dirigi un patruya na e sitio.

Na yegada di e patruya a bin

compronde cu aki ta trata di un accidente unda un chauffeur no a regula su velocidad ni a mantene distancia a bay dal tras di auto su dilanti. Afortunadamente ningun hende a resulta herida.

Chauffeur a desvia pa otro auto y a perde control bay dal palo di luz



Diaranson atardi a drenta informe di un accidente cu hende herida na e crusada Rudolf Arendsstraat, mesora a dirigi tanto polis como ambulans na e sitio.

Na yegada di e patruya a bin

compronde cu aki ta trata di un accidente unda cu un otro auto a pone e chauffeur desvia perde control bay dal palo di luz. Debi na e impacto net banda di e chauffeur a kibra e glas di bentana y a corta su man. Mientras e

otro auto mes a sigui core bay. Na yegada si e ambulans nan mester a djis pone un pleister riba e herida. Debi na e impacto wayanan di coriente y cabletv a keda un poco abao colga.

Chauffeur di un BMW cu a accidenta na De La Sallestraat a bolbe accidenta na Van Leeuwehoekstraat



Despues di a causa un accidente na De La Sallestraat den un ora di tempo e chauffeur di e mesun BMW a bolbe accidenta pero e biaha aki no mucho leu di eynan, den Van Leeuwenhoekstraat el a bolbe accidenta.

Dama 8 luna na estado herida den un accidente cu 3 auto involvi



Diaranson atardi a drenta informe di un accidente cu basta daño y hende herida, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda 3 auto ta involvi. Segun por a compronde for di e testigonan cu ta un Mercedes biniendo pabao cu velocidad halto yegando e crusada a spanta purba brake pero a bay un poco dimas na banda robes di caminda y a dal semi frontal riba un Mazda di direccion contrario.

Djei el a bay dal riba un Mitsubishi L300 para na e crusada pa subi, rancando su bumper y a purba sigui bay pero a keda para un poco mas pabao.

Den e Mercedes Benz tabata tin un dama di 28 aña pasahero cu ta na estado pa 8 luna y tabata keha di dolor. Na yegada di e ambulans nan a atende e dama y a transport'e pa hospital. E chauffeur di e Mazda tambe a cuminsa haya dolor. Na yegada di un otro ambulans nan a atende e victima na e sitio mes.

Na Turibana polis a topa un accidente cu hende herida



Diaranson anochi polis bayendo bayendo pa un asistencia na Diamante a bin topa cu un accidente cu hende herida na Turibana, mesora a pidi presencia di ambulans pa 2 hen-

de herida.

Ta trata aki di un accidente cu 3 auto involvi unda un dal tras di e otro y consecuentemente a bay dal tras di un otro. Tanto e chauffeur

como e pasahero di e auto mas dilanti a resulta herida. Na yegada di e ambulans nan a atende un na e sitio mes mientras e otro mester a ser hiba pa hospital.

Chauffeur sin rijbewijs a dal baricada di plastic riba Sasakiweg

Diahuebs madruga a drenta informe di cu tin un auto para meymey di caminda riba Sasakiweg banda di e baricadanan, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu un chauffeur sin rijbewijs a core malo y a bay dal un di e baricadanan di plastic yena cu santo mand'e te casi baha full f'ey caminda. Afortunadamente ningun hende a resulta herida.



Dama agresivo a bini fresco na animal shelter y a hisa benta su pushi y a pleita na e luga!

Diahuebs mainta a drenta informe di cu tin un dama masha fresco agresivo na Animal Shelter na Wayaca, mesora a dirigi un patruya na e sitio.

Na yegada di e patruya a bin compronde cu ya caba e dama a bay. El a bini eyan pa entrega su pushi y a bay asina numa pero na e luga tin un procedura pa hiba y e dama no kier a coopera y a coy su caminda y bay. Polis a haya e number di auto y lo bay atende severamente cune debi na su comportacion fresco.



Lesnan pa instancianan di autoridad y emergencia ta casi finalisa



Actualmente tin lesnan andando entre otro pa polisnan y bomberonan.

Algun instructor di Hulanda a bini Aruba pa asina duna algun les na nos oficialnan pa con pa atende cu casonan

di atraco cu rehennan cual a tuma lugar diaranson y diahuebs di un candela den un fabrica di Kimico cu hendenan ilegal bibando patras di e fabrica. Nos a compronde cu diabierna lo tuma lugar e examen final.

Polis a bay pa un homber tira abao den Santa Helenastraat



Diaranson anochi a drenta informe di cu tin un persona tira abao dilanti un cas na Santa Helenastraat, mesora a dirigi un patruya na e sitio.

Na yegada di e patruya a bin topa cu e persona basta cansa y a lant'e. Cu e vehiculo di transporte a hiba e persona aki na su cas.

Persona irresponsabel a laga cahanan di carton memey di caminda riba Sasakiweg



Diahuebs madruga durante patruya polisnan atento di Noord a bin topa cu varios caha di carton benta riba Sasakiweg.

E cahanan aki lo a bula for di un pick-up of truck of un

persona pone esakinan pa perjudica chauffeur pasando. Esaki ta pone nan desvia y por haya nan mes den un accidente. Pa evita e peliger polis a hala e cahanan aki for di caminda.

Buki nobo pa tur mucha

Biblioteca hubenil ta ofrece muchanan na Aruba un coleccion grandi di buki pa wak y lesa. Tin buki pa mucha di tur edad. Representantenan di Biblionef na Aruba, Sra. Carla van Eerden y su colega Sandra Postma a entrega otro cargo di buki pa baby y mucha na Sra. Michelle Thiel-Roos, hefe di Dept. Catalogo. Sra. Michelle Roos ta hopi contento cu buki nobo. Den cargo tin bukinan pa baby y tambe bukinan pa mucha di 6 pa 8 aña. Un bunita coleccion cu biblioteca por fia su miembronan hoben. Biblioteca ta gradici Biblionef pa trece e bukinan Aruba.

Biblionef ta un instancia




cu ta traha rond mundo pa stimula lesamento y laga tur mucha experiencia e goso di lesamento. Biblionef ta traha pa mucha cu no tin acceso facil na buki y semper a traha



















hunto cu biblioteca. Biblionef Aruba ta parti buki na scolnan na Aruba ya pa mas cu 20 aña. Biblioteca ta ofrece miembresia gratis pa baby, mucha







y hoben bou 18 aña. Esaki ta habri un mundo di buki, storia y informacion, tambe Ebooks y audiobooks. Miles di buki ta warda nan! Ta ofrece espacio pa studia, siña, topa y

reuni, computers cu Internet y tambe Free WIFI. Ademas tin espacio pa diferente evento y exposicion. Biblioteca ta habri di dialuna pa diabierna.

Resultado Sorteo Augustus 01			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
7425	1054	9223	9256
3856	6019	SUPER5	0387
7171	0812	17425	4157

MERDIA	ANOCHI											
 Sorteo # 4344 6478 3095 8715  FP  Sorteo # 4344 5675  X3  Sorteo # 2400 4413  Sorteo # 4344 4306 Gemini  Sorteo # 1218 992  FP	 Sorteo # 8309 3959 2074 8089  X2  Sorteo # 7353 3166  X3  Sorteo # 2058 9281  Sorteo # 6112 7250 Cancer  Sorteo # 1042 036  X3	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6550 0 x Jackpot 8 x Match 4 251 x Afl. 8,00	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">150.000,-</td></tr></table> <table><tr><td>04-07-11-24-29</td></tr><tr><td>Proximo Jackpot</td></tr><tr><td>96.000,-</td></tr></table>	Joker	Letter	Proximo Jackpot		150.000,-		04-07-11-24-29	Proximo Jackpot	96.000,-
Joker	Letter											
Proximo Jackpot												
150.000,-												
04-07-11-24-29												
Proximo Jackpot												
96.000,-												

 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	<table><tr><td>Mega Ball</td></tr><tr><td>Proximo Jackpot</td></tr><tr><td>450.000,-</td></tr></table>  Afl. 650.000,-	Mega Ball	Proximo Jackpot	450.000,-
Mega Ball				
Proximo Jackpot				
450.000,-				
 Sorteo # 				

Afl. 650.000,-



Dushi Cablesura!

Na 2024 biblioteca ta invita tur mucha lesa mas storia y buki. Storia cu personahe poco rebelde, poco stout kisas, tocante mucha cu tin un kier, mucha cu ta gusta dicidi pa nan mes y ta gusta aventura. Lesa buki pa mucha cu diferente personahe y lesa con dushi e ta pa haci cos manera bo ke!



Biblioteca Nacional Aruba ta presenta un otro edicion di su Festival di Buki pa Mucha. Na 2024 e tema ta 'DUSHI CABLESURA!'. Tur aña ta scoge un tema nobo pa duna e festival un ambiente diferente. Asina ta sigui stimula mucha pa lesa buki.

E Festival di Buki pa Mucha ta dura un siman y ta tuma lugar den prome siman di November. Semper ta habri e festival cu un fiesta grandi cu ta tuma lugar diadomingo dia 3 di november 2024. Den e siman di dia 4 pa 8 di november hopi autor tanto di Aruba como for di Hulanda, Corsou, Boneiro, St. Maarten y St. Eustatius ta bishita scol pa conta storia den klas y na biblioteca. Y ilustrador ta duna presentacion ta con nan ta ilustra storia pa mucha. Di e manera aki ta purba di entusiasma muchanan pa lesa mas, lesa hunto y bishita biblioteca mas.

Miembresia di biblioteca a bira gratis, cu ta un regalo pa tur mucha y tambe hoben bou 18 aña.

Un grupo grandi di escritor

di buki pa mucha ta bishita mas cu 50 scol. Di Aruba esakinan ta: Liliana Braamskamp-Erasmus, Vanessa Paulina, Irmgard Frans, Emerita Emerencia, Ariana Koolman, Gino Vrolijk y Robert Reeborg. For di Boneiro biblioteca ta presenta: Segni Bernadina. Di Corsou ta yama bon bini na Tio Ali, Mercee Doran y Crisen Schorea. For di Hulanda ta bini: Danielle Schothorst, Maria Karg y Sanne Rooseboom. Misha Spanner (Contado di cuenta) ta participa pa di dos biaha na e festival na Aruba y ta bini for di St. Eustatius. For di St. Maarten ta presenta Ralph Cantave. E grupo aki ta bishita scol pa conta storia, papia tocante buki cu mucha y tambe ta stimula mucha pa lesa mas.





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel. 297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Trupiaal Aloe
Tel. 583 8560 Tel. 584 4606
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**
Tel: 582 2116/582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Ohio Historical Society ta yega areglo cu club di golf pa haya back sitio tribal

AP) - Ohio Historical Society a anuncia un trato diahuebs cu lo permiti nan tuma control di un sitio di arte ceremonial tribal riba un curso di golf, cabando cu añanan di litigacion.

Ohio Historical Society lo paga Moundbuilders Country Club na Newark pa cu e disputa di añanan largo tocante Octagon Earthworks, aunke e suma ta confidencial bao acuerdo di e areglo.

E trato ta evita un huicio cu hurado pa determina e sitio su balor den mercado husto cu a keda posponi pa varios aña caba.

Octagon Earthworks ta entre e 8 areanan anciano den e sistema Hopewell Earthworks cu a ser nombra UNESCO World Heritage Site aña pasa. E sociedad historico, un organizacion di historia di estado, ta tuma control di nan dia 1 di januari y tin plan di habri esaki pa bishitantenan.

“Nos principianan cu ta guia nos den e proceso aki ta di permiti acceso publico completo na Octagon Earthworks mientras ta segura Moundbuilders Country Club cu nan lo ricibi compensacion pa e balor di su pago pa e propiedad,” Megan Wood, director ehecutivo y CEO di Ohio History Connection a bisa. “Awo nos a logra e cosnan aki.”

David Kratoville, e president di e club su directiva, a bisa cu e tin sentimentonan mescla tocante e fin di e bataya legal. El a bisa cu e negociacionnan a caba riba un cifra “cu ta permiti nos sobrevivir,” pero e futuro ta keda incierto.

Moundbuilders ta den negociacion pa cumpra otro propiedad, e curso di golf cercano Trout Club, sinembargo e miembronan tabata emocional na un reunion di aluna unda e doñonan no por a haci ningun promesa pa e futuro segun el a comenta.

“Pa mi, e noticia lo ta unda nos lo bay despues di 114 aña operando na e sitio aki,” el a comenta.



Pronostico di tempo

Tempo

Temporalmente hopi nubia cu un awasero breve.

Temperatura maximo 34 grado Celsius.

Temperatura minimo 28 grado Celsius.

Indice di calor (heat index) den y rond di oranan di merdia: 35 pa 39 grado Celsius.

UV index: 12.

Bahada di solo: 7:06 pm.
Subida di solo: 6:26 am.

Biento

Moderate te basta fuerte for di generalmente direccion oost; forsa 4 te 5 (20 te 39 km/ora, 11 te 21 nudo). Durante di dia fuerte te duro den rafaga; forsa 6 te 7 (40 te 61 km/ora, 22 te 33 nudo).

Situacion general di tempo
Un ola tropical ta moviendo cu weer asocia riba e islanan mas grandi den Caribe y Bahamas. E weer activo lo



keda hopi noord di region local. Sinembargo, humedad cu e por trece por duna un awasero local den oranan di marduga y mainta di diabierna.

Condicion maritimo/ estado di lama

Na partinan proteje di costa: keto, rond di 1 pia.
Na partinan zuid: trankil te modera, rond di 2 pa 3 pia.
Na partinan oost te noordwest di costa: generalmente modera cu olanan alrededor di 4 pa 5, localmente 6 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Laga tur locual ta sperami ta bunita, Laga cu tur locual cu mi encontra na caminda ta bunita
Laga tur locual cu ta rondonami ta bunita, Laga tur locual cu mi a laga atras keda bunita, y laga esaki nan termina den tur bunitesa".

Cu profundo tristeza na nos curason pero agradecido pa locual el a significa pa nos, nos ta anuncia fayecimento di:



Sr. Benjamin S. FIGAROA
Mihor conoci como "Jimmy"
*11 aug 1962 – †29 July 2024

Na number di su:

Mayornan: † Silberio y † Francisca Figaroa
Viudo di: † Juliana E "Liesje" Figaroa-Geerman
Yiunan: Shaluzdin Figaroa.

Benjamin "Juni" y Yamelies Figaroa-Petit.
Nieta y Nietonan: Giandra Erasmus
Giandre Erasmus
Giand-marc Erasmus
Benjamin Figaroa
Benson Figaroa

Compañera: Maria Elva Pereira

Rumannan: † Juan Brete
Violeta "Ola" Figaroa i Yunnan
† Luis Figaroa i Agnes i yui y familia
Maria "Liesje" Figaroa y Oscar Gomez y

Yunnan

Emelina "Emmy" Figaroa
Carmen y Axel "Doei" Jansen y Yunnan
Teresita "Teesje" Figaroa i yui
Edwigia "Wia" y Stanley Rosina y Yunnan
† Theodor "Buchi" Figaroa
† Lourdes "luchi" Figaroa y † yui
Irene Figaroa
† Johnny Figaroa

Tanta I omonan prima y primonan, comer I compernan, su bisiñanan, amiga I amigonan, conocirnan I amistadnan. Ex Coleganan di Palm Tours (watersports).

Famianan: Figaroa, Geerman, Erasmus, Petit-Colina, Lopez, Giel, Tromp, Kelly Hernandez,, Farro, Ponson, Gomez, Jansen, Oduber, Rosina, Blanco, Urbina, Lacle, Pereira y demas familia.

Adres pa Condolencia: Aurora Funeral Home
Dialuna 5augustus 2024, 07:00-09:00 PM

Acto di entierio lo tuma lugar Diamars 6 augustus 2024 di 2or pa 4or na Misa Santa Anna na Noord for di 2or e restonan mortal lo ta reposa den Misa Santa Ana y despues lo hiba nos defunto stima na su ultimo lugar di sosiego na santana catolico na Noord.

Nos disculpa si den momento di tristesa nos por a lubida di menciona algun familiar of Amistad.

Nos ta lamenta cu despues di entierio nos no lo por ricibi bishita di Condolencia na cas.

Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Mi Dios, Mi Señor, Mi Salvador
Cu Bo amor infinito tenemi den Bo braza
Ya no tin scuridad
Unicamente Bo Luz briyando

Cu inmenso tristesa y dolor, na nos curason y conforme Dios Tata todopoderoso su boluntad, nos ta participa fayecimento di:



ERICA EDWINA MADURO-LAMPE
*25 JUNI 1951 – †27 JULI 2024

Na number di su:

Esposo: Stephen Maduro
Yiu: Jessica Shamira Maduro
Rumannan:
Erwin – Hilda Lampe-Kelly yiu y familia
Aurita Lampe – Boepi Groder
Eta-Clemente Tromp-Lampe yiunan y familia
Shonrita Lampe yiunan y familia
Egidio (Shonl) – Ruth Lampe- Mojica yiunan y familia
Mirto (Riki) -Lorena Lampe-Lopez/Tobar yiunan y familia
†Iris – Benjamin(Benny) Tromp – Lampe y yiu
Miguel Lampe

Swa y Cuanan:

Reynaldo – Rika Maduro – Maduro yiunan y familia
Suzanne Dijkhoff - yiu y familia
Margareth Mercedes Maduro
Nick - Lucia Maduro – Wernet yiunan y familia
Raymond - Marlene Maduro -Tromp yiunan y familia
Shirley Solognier – yiunan y familia
Yvonne Maduro y yiunan
Marlyne - Jani Stamper – Maduro yiunan y familia
Eveline Frank -yiunan y familia
Eddie- Diana Maduro - Leest yiu y familia

Omo y Tantan: Anselmo (Chemy) – Annie Kock yiunan y familia, Marianita Quandus-Kock (Madrina stima) y Rina Zapata-Kock

Padrino: Mario (Mai) Croes

Sobrino y Sobrina nan/ Primo y Prima nan

Amiga(o)nan: Leticia, Olga, Martha, Doke, Mena, Bertha, Sharline, Lisbeth, Alex Hassel, Dario

Famia: Maduro, Lampe, Kock, Quandus, Groder, Kelly, Pardo, Lopez Tobar, Timmermans, Dubero, Tromp, Chundro, Ras, Arends, Croes, Zapata, Dijkhoff, Stamper, Leest, Solognier, Romp, Wernet, Henriquez, Frank, Kurban, Carrera, Damaryani, Mojica
Famia na: Hulanda, Italia, Colombia, Merca

Acto di entierio lo tuma lugar diabierna 2 di augustus 2024 pa 4 'or di atardi, saliendo for di Misa Immaculata Conception pa santana "Santa Maria" na Santa cruz. Erica lo ta reposa for di 2'or te 4'or di atardi den Misa Imaculada Concepcion na Santa Cruz.

Adres pa condolencia: Diahuebs 1 di augustus 2024 na Aurora Funeral Home & Crematory, for di 7'or pa 9'or di anochi. Nos disculpa si nos por a lubida algun miembro di famia den nos tristesa.
Despues di entierio no ta ricibi bishita di condolencia na cas. Na lugar di flor of krans un donacion pa Kankerfonds ta altamente aprecia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Désormais la couronne de justice m'est réservée;
le Seigneur, le juste juge, me le donnera dans ce jour-là,
et non seulement à moi, mais encore à tous ceux qui auront aimé son avènement.
2 Timothée 4:8

Nos ta anuncia fayecimento di:



Fannelia Jeanty
*05-02-1945 - †29-07-2024

Na number di su:

Yiunan:
Marly Josama y casa Garry Josama
Ernest Paillant
Marie Carmel y casa Garry Thêagène

Nietonan: GaethaneMarly Josama, Patrice Ralf Carmelot René Thêagène, Gamar Patrick Josama, Gaëlle Victoria Josama, Priscile Carmaëllie Gayanarre Thêagène, Iseulthe Garryelle Felixianne Thêagène, Junior Garry Carmaël, Kyllian Paillant, Valentin Paillant

Bisanieto: Nehemiah Josama Edovard

Rumannan: Celia Auguste Jeanty
Roselia Jeanty Paillant
Anne Marie Jeanty
Adelphine Jeanty
Carine Jeanty Mettelus
Vlrick Jeanty

Primo(a)nan: Anita Jeanty, Elta Jeanty, Marie LourdeJeanty, Claude Jeanty
Ervila Jeanty, Gilbert Jeanty, Fabiola Jeanty, Nadine Jeanty, Erlande JeantyBertita Merveille, In-vecker Merveille, Bernard Merveille, Henry Claude Merveille

Yiunan di criansa: Alexis Guerda, Alexis Lucner, Radela Tromp, Fritzmer Valentin, Elo Pierre

Amigo(a)nan: Anicile, Germaine, Paula Villier Hyacinthe, Mimose Mothèe, Fifi, Yolene, Mimose Paul, Hilo, Famille Brice, Famille Paillant, Famille Merveille, Francisca Bastien, Jenathan Bastien, Fransty Bastien (Bijo)

Oportunidad pa condolence diabierna 2 di augustus 2024 na Aurora Funeral Home di 7:00 pa 9:00 pm

Acto di entierio ta tuma lugar diasabra 3 di augustus 2024 v na Aurora Funeral Home di 2:00 pa 4:00 pm, despues lo sali pa Santana central na Sabana Basora.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa odia,
Ora pa guerra y ora pa paz
Predicador 3:1-2-4-7-8

A fayece cristianamente:

**Sra. Vigdys L.
Farro-Janga**
cariñosamente
yama "Vidi of
Lucy"
*16-04-1949 - †27-
07-2024



Na number di su:
Prima/ruman di criansa: Esperanza "Sasha y Pedro Koolman y familia
Rumannan: Elmer y Tina Janga-Almari y familia
Edsel "Chobby" Janga na Hulanda
Giovanny "Vanchi" Janga y familia
Cuña: Irena Rasmijn y familia
Manera ruman: Isolda y Frans Maduro-Wever y familia na Hulanda
Amiga-nan y amistadnan stima:
Gina Servinus-Jacobs y familia, Vanessa, Patricia, Omaira, Margareth Meade y familia, Milly, mucho hopi pa menciona.
Tur su ex-coleganan di Telefoondienst y SETAR.
Bisiñanan di Companshi y Ponton.
Sobrinu- y sobrinanan, primo- y primanan, amigo- y amiganan, conocirnan y amistadnan.
Demas famia: Janga, Farro, Picus, Gomez, Eckmeyer, Koolman, Peña, Maduro, Orman, Corneli, Toppenberg, Escalona, Petrona, Lacle y demas famia.

Ta invita pa acto di entierro cu lo tuma lugar diasabra 3 di augustus 2024 na Aurora Funeral Home di 9'or pa 11'or di mainta. Despues lo sali pa Santana Central Sabana Basora.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa tranquil,
pa mi bolbe haña forsa".
Salmo: 23

Cu dolor na nos curason, nos ta participa fayecimento di nos ser stima:

Sr. Eloy Dania
cariñosamente
yama "Mo-Loy,
Papa Loy, Tata Jak
"
*11-03-1934 - †31-
07-2024



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Laga tur loke ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur bunita.
Cado Wever.

Cu inmenso tristesa nos ta anuncia fayecimento di nos ser stima:



Sra. Emerita R.L. Croes
Mihor conoci como "Nuni / Raquel "
*03-03-1960 / + 26-07-2024

Na number di su
Yuinan:
Myenou Antonia
Ebony Croes
Nieto y Nietanan:
Mycheline Grant
Mar-Yelina Grant
Emerson Sommer
Rumannan:
Olivia Croes
Silvia Croes y Giovanni Ras
Ivan "Chebito" y Judith Croes
Ruman di criansa:
Bibi Lesandrina
Sonia Hopmans
Subrino y Subrina nan:
Suhail, Sukienne
Jeanne y Jaylah
Marjorika, Kyon, Clayton, Kate
Sabatha, Johvan Savian, Gialvan & Saveenha
Juni, Chriswayne & Loyalty
Shaquil
Mikayla
Judivianny
Sr. Eloy Dania
cariñosamente yama "Mo-Loy, Papa Loy, Tata Jak "
*11-03-1934 - †31-07-2024

Bon amigo: Robert Petrochi
Bon bisinjanan
Jeja & Jejo Sanchez
Nana & Lio Marchena
Donald Kock & Lourdes Agudelo
Mena & Luis Irausquin

Coleganan di CasinoWezen

Na tur su amigo y amiga nan cu ta mucho hopi pa menshona.

Demas Famia:
Croes, Quandt, Antonia, Grant, Copra, v/d Blik, Ras, Lesandrina, Tromp, Willems, Lacle, Dirksz, Ridderstap, Bikker, Dania y demas famia.

Tur su amigo y amiga nan di henter barío di Dakota.

Adres pa Condolencia:
Diabierna 2 augustus, na Royal Funeral Home & Crematory for di 6pm - 9pm.

Ta invita demas famia, bisinja amigo, amiga y conocirnan pa e acto di entierro cu lo tuma lugar diasabra 3 augustus di 2pm - 4pm na Misa Birgen Di Fatima na Dakota, For di 2pm e restonan mortal lo ta reposa den Misa Birgen Di Fatima y despues lo hiba nos defunto stima na su ultimo

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Drenta su portanan cu gradicimento,
drenta su tempel cu cantica di alabansa,
glorific'e, bendiciona su Number.
Salmo 100:4

Cu dolor na nos curason, nos ta participa fayecimento di nos ser stima:

**Marilyn M.
Hoek**
cariñosamente
yama "Rubia"
*17-11-1953 -
†31-07-2024



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa tranquil,
Pa mi bolbe haña forsa".
Salmo: 23

Nos ta anuncia fayecimento di:

**Stanley W.
Priest**
*12-04-1953 -
†31-07-2024

Acto di entierro lo
wordo anuncia
despues



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"Señor ta mi wardador, mi'n tin falta di nada,
Den cunucu di yerba berde e ta pone mi sosega.
E ta hiba mi na awa tranquil,
Pa mi bolbe haya forsa".
Salmo 23

Cu dolor na nos curason, nos ta anuncia fayecimento di nos ser stima:

**Swinda O.
Tromp**
*27-12-1963
†30-07-2024

Acto di
entierro lo
wordo anuncia
despues.



Aurora


Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada.
Den cunucu di yerba berde e ta ponemi sosega.
E ta hibami na awa trankil,
pa mi bolbe haña forsa”.
Salmo: 23

No tin palabra pa expresa nos tristesa pero conforme
cu boluntad di Dios, nos ta anuncia fayecimento
inesperadamente di nos: esposa, mama, yiu:



Sue-Laine Mary-Anne Luciënne Tromp-Henriquez

cariñosamente yama “Sully”
*09-05-1996 - †20-07-2024

Na number di su:

Esposu stima: Edric Tromp
Yiunan stima: Arion Tromp y Isa Tromp
Tata: Kenneth Henriquez
Mama: Maria Maureen Raaz
Rumannan Stima: Jessica Bongers y yiunan na Hulanda
Eufemy Henriquez y Jose Martinez Mendez

Jean-Marc Henriquez
Jean-piërre Henriquez y Daniela y

Yiunan

Sobrina: Jahlaia
Sobrinonan: Waylon, Jeanrey, Jay-Diliano, Dayven, Liam
Welan: “Dika” Henriquez-Croes
Lucia Felicita Maduro
Welon: †Paulito Luciano “Chani” Henriquez
†Raoul Elio Raaz
Manera wela: Isidora Croes
Manera Welo: Edsel Cicilia
Omo: Aldrick Maduro
Tanta nan: Sharlene y esposo Huub fermont y famia
Sharitza Henriquez y Aleendal Chayoung
Eldrith Henriquez y yiunan
Shaquira Maduro y famia
Nisha Maduro

Primonan: Jonathan y Etiënne, Ian, Zion
Primanan: Emmelaine Slater Evertsz y famia
Eleanne Evertsz y David y Davieliënne Curiël
Ediliënne y Tani na Hulanda

Madrina: Sharlene Fermont-Henriquez
Padrino: Edward van Tol
Suegra y suegro: Liliana Tromp-Croes y Eric Tromp
Swa: Ericson Tromp y famia
Famia di misa na Aruba/Hulanda: Zion Church, ICF Enschede
Amigo(a)nan di school (Aruba, Hulanda)

Tur demas famianan cu ta mucho hopi pa menciona.

Disculpa nos si den nos tristeza nos por a lubida algun miembro di famia.

Oportunidad pa condolencia: Diamars 06 di Augustus 2024 na Aurora Funeral Home di 7or pm pa 9or pm

Acto di entierro lo tuma lugar diaranson 07 di Augustus 2024 for di 2or pm pa 4or pm na Aurora Funeral Home y despues lo sali bai pa santana Central na Sabana Basora.

Livestreaming entierro: Obituary Aruba

Nos ta lamenta cu despues di entierro no ta ricibi bishita di condolencia na cas.

Lider di Hezbollah ta bisa guerra cu Israel a drenta ‘fase nobo’

(AP)—Lider di Hezbollah a adverti diamars cu e conflicto cu Israel a drenta un ‘fase nobo’, mientras el a dirigi su mes na personanan den luto na e entierro di un comandante di e grupo cu a ser asesina pa un atake Israeli e siman aki na Beirut.

Mientrastanto na Tehran, Iran su lider supremo a resa riba e culpa di Hamas su lider politico, ken a ser asesina den un supuesto asesinato Israelita.

E asesinatonan tras di otro a causa preocupacion fin un escalacion na un guerra mas amplio, lagando e region den espera di mira con Iran y su aliado Hezbollah lo responde. Iran a priminti cu lo tuma accion contra Israel pa e atake cu a causa fayecimento di lider di Hamas Ismail Haniyeh riba diaranson den e capital Irani Tehran.

Israel te ainda no a tuma responsabilidad pa e asesinato di Haniyeh, sinembargo comentarionan di ehército di Israel su vocero Rear Adm.



Daniel Hagari no a logra nenga esaki directamente.

“No tabatin atake adicional, ningun misil, ningun drone Israeli, den henter e Medio Oriente e anochi aki,” el a bisa diahuebs, causando speculacion cu Israel por a usa otro metodo pa asesina Haniyeh.

Israel si a confirma cu nan a ehecuta un atake diamars na Beirut cu a causa e morto di e comandante di Hezbollah Fouad Shakur, conhuntamente cu consehero di ehército di Iran y por lo menos 5 ciudadano. Israel a bisa cu

Shakur tabata tras di un atake cu a tuma dianan anterior na un veld di futbol den Golan Heights, unda 12 mucha a fayece. Hezbollah a nenga cu nan ta tras di e atake aki, declaracion cu Nasrallah a comparti.

Nasrallah a keda vago cu su declaracionnan manera ta custumber, pero a priminti un “retaliacion bon studia” sin bisa den ki forma esaki lo ta. El a bisa solamente cu “Israel lo mester warda pa e rabia di e region su personanan cu si tin honor.”

Prome Minister Britanico ta anuncia plan pa trata violencia despues di atake contra mucha muhenan



(AP) - Prome Minister Britanico Keir Starmer a condena “tiny mindless minority” tras di e inki-etud cu a cay manera un plaga den varios ciudad despues di e incidente na un les di baile pa mucha y a priminti di pone un paro na esaki mientras a nombra e sospechoso di 17 año.

Starmer a bisa cu e violencia recien ta “claramente motiva pa odio ultra derechista” mientras el a anuncia un programa cu ta permiti polis comparti inteligencia miho entre agencianan y tuma accion mas lihe den detencion

pa preveni e tipo di incidentenan aki cu a manda gran cantidad di polis hospital durante e ultimo 2 anochi.

“Esaki ta coordina; e ta delibera,” el a bisa. “Esaki no ta un protesta cu a sali for di man. E ta un grupo di individuo cu ta absolutamente centra riba violencia.”

E anuncio cu a bini mientras e hoben a keda acusa cu asesinato di 3 mucha muhe y herida di 10 otro persona a haci su prome aparencia y a ser nombra den corte parcialmente pa desmenti informacion falso cu a circula

riba rednan social tocante su number y status di migracion.

Hues Andrew Menary a bisa cu su decision di permiti Axel Rudakubana ser nombra ta excepcional a causa di su edad. Sinembargo el a bida cu e hoben lo perde su derecho pa keda anonimo na momento cu e cumpli 18 año proximo siman y sigui sconde su identidad lo permiti rumor-nan sigui plama.

“Sigui preveni e rapport completo tin un desbentaha di permiti otronan plama mal informacion na un momento unda e consumo di informacion tocante esaki ta halto,” Menary a bisa Liverpool Crown Court.

E atake dialuna na un les di baile cu tema di Taylor Swift a impacta e paid unda crimen cu cuchiu ta un problema di hopi tempo, aunke cu e atakenan aki en masse ta poco comun.

Moldova ta expulsa diplomaat Ruso despues di detene dos oficial sospecha pa traicion y conspiracion

(AP)—E ministerio di Asunto den Exterior di Moldova a bisa cu el a expulsa un diplomaat Ruso despues cu dos oficial Moldavo a ser deteni riba sospecha di traicion y conspiracion contra e pais.

Un di e oficialnan ta sospecha di traicion pa supuestamente colectando y proveendo informacion na un empleado di embahada cu por ser usa contra e interes di Moldova, segun e Prosecutor's Office for Combating Organized Crime and Special Cases, traduci den Ingles, y e otro ta acusa di conspira contra e pais pa beneficio personal.

Un di e sospechoso ta traha den parlamento y e otro pa e



polis di frontera. Ambos a ser deteni na comienso di siman aki pa 72 ora y supuestamente tabata colaborando cu un embahada di afo den e capital di Moldova, Chisinau. E autoridatnan no a bisa cual pais e

embahada ta representa.

E ministerio di Asunto den Exterior a bisa ayera cu el a yama e embahador di Rusia, Oleg Vasnetsov, pa inform'e cu un empleado di embahada

no nombra tabata un "colaborador" cu a ser declara como persona non grata y mester sali di e pais. A obtene informacion y evidencia, e ministerio a bisa, "pa testigua na e conducta riba e teritorio di e Republica di Moldova...di actividadnan cu no ta den liña cu e status diplomatico."

Esaki ta e conflicto diplomatico mas recien cu a sigui dañe e relacion tenso caba entre Rusia y Moldova, di ken su gobierno pro West a oponer e invasion di Rusia riba Ucrania. Na maart e aña aki, Moldova a expulsa un otro diplomaat Ruso despues cu Kremlin a habri seis stacion di votacion den e region pro Rusia di Moldova, Transnistria, pa su eleccion presidencial, con-

tra e deseonan di autoridadnan Moldavo.

Rusia a acorda previamente pa habri solamente un stacion di votacion na su embahada na Chisinau. Oficialnan Moldavo repetidamente a acusa Rusia di conduci un "guera hibrido" contra nan pais por medio di funda protestanan anti-gobierno, interveni den eleccionnan local y conduciendo campananan di desinformacion pa purba kibra e gobierno y stroba e pais for di su caminda pa un miembresia completo di Union Europeo.

Moldova lo tene un referendum riba miembresia UE y un eleccion presidencial e aña aki.

Sur Korea ta ofrece ayudo humanitario pa partinan inunda na Nort Korea

(AP)—Sur Korea a ofrece ayera pa manda material di ayudo pa Nort Korea pa asina yuda e pais recupera for di yobidanan fuerte y inundacionnan cu a tapa miles di cas y terenonan grandi di camponan.

No ta claro ainda si Nort Korea lo acepta e propuesta di Sur Korea pa ayudo. Animosidad entre e dos rival ta riba su nivel mas halto den algun aña tocante e ambicionnan nuclear di e Nort y e expansion di e Sur riba ehercicionan militar combina cu Merca y Hapon pa contra ataca e menasanan di e Norte.

E Ministerio di Unificacion di Sur Korea, cual ta mancha



asuntunan inter-Koreano, a bisa cu e Sur tabata dispuesto pa provee material pa yuda aborda e "dificultadnan humanitario" cu residentenan Norte Koreano ta enfrentando despues di e tormentanan cu a pasa recien. E ministerio a urgi den un declaracion pa e

Cruz Cora di Nort Korea responde lihe na su yamadonan pa discusion pa determina e tipo y cantidad di material Sur Koreano y con pa entrega nan.

Nort Korea no a responde ainda riba e oferta di e Sur. Media estatal di Nort Korea a

bisa diaranson cu e yobidanan fuerte a laga 4,100 cas, 7,410 hectar di tereno agricultural y varios otro edificio publico, estructura, caminda y rails inunda den e ciudad noroeste di Sinuiju y e pueblo di Uiju.

E Norte no a reporta detayenan tocante victimanan. Den un reunion di emergencia diaranson na Sinuiju, lider Kim Jong Un a puntra autoridatnan pa "castiga estrictamente" esnan cu a bisa el a negligia e responsabilidadnan pa prevencion di desaster y a causa "hasta e casualidad cu no por ta permiti," segun e Korean Central News Agency di e Norte.

Nort Korea a suspende vir-

tualmente tur cooperacion y diplomacia cu e Sur despues di su negociacionnan nuclear cu Merca a stop na 2019 pa via di desacuerdonan pa kita e sancionnan Mericano riba Nort Korea y e stapnan di e Norte pa frena su programa nuclear y di misil.

Tambe e Norte a rechasa e oferta di e Sur pa yuda cu e brote di COVID-19 na 2022. Tension entre e rivalnan a empeora dede 2022 como cu Kim a usa e guerra di Rusia cu Ucrania como un distraccion pa sigui accelera e expansion di su arsenal nuclear y a suministra menasanan contra Washington y Seoul.

India ta ofrece 300 miyon dollar den prestamo pa seguridad maritimo di Vietnam



(AP)—Ayer India a ofrece un prestamo di 300 miyon dollar pa mehora e seguridad maritimo di

Vietnam, como cu e dos banda a bisa cu nan kier dobel nan comercio y inversion dentro di cinco aña.

Prome minister Narendra Modi a conta prome minister Vietnames Pham Minh Chinh cu India ta considera Vietnam un pilar clave di su politica pa nacionnan Sureste Asiatico y un partner importante den su vision Indo-Pacifico.

E prome ministernan a bisa cu ambos banda kier a expande nan cooperacion riba

defensa y otro area manera un semiconductor y tecnologia ambiental, inteligencia artificial y accion climatico.

Modi y Chinh a inaugura virtualmente e Army Software Park na Vietnam, un facilidad educacional estableci cu ayudo di India pa yuda train soldaatnan Vietnames den capacidatnan digital.

Comercio bilateral entre e dos pais na 2022 a crece cu 27 por ciento y a yega 14.14 biyon dollar. Exportacion Indio pa Vietnam a touch 6.7 biyon dollar, mientras cu

importacion for di Vietnam a yega 7.44 biyon dollar den e mesun periodo, segun e ministerio di Asunto Externo di India a bisa.

E inversion di India den Vietnam ta aproximadamente 1.9 biyon dollar den energia, exploracion mineral, agricultura, tecnologia di informacion y otro areanan, segun e ministerio di e pais. Vietnam a inverti mas cu 28.55 miyon dollar den India, mayormente den farmaceuticonan, tecnologia di informacion, kimiconan, y materialnan pa construccion.